
JEHOVÁ DIOSTA
CUSHICUSHPA
CANTASHUNCHIJ

LETRACUNALLA

JEHOVÁ DIOSTA CUSHICUSHPA CANTASHUNCHIJ

(1 CRÓNICAS 15:16)

LETRACUNALLA

Shuti

Congregación

**Cai laya librocunata rurangapajca, gentecunami shungumanta cullquita cushpa ayudan.
Cai libroca mana c'atungapajchu.**

Shungumanta cullquita cusha nishpaca donate.jw.org paginaman yaicui.

Jehová Diosta cushicushpa cantashunchij (letracunalla)

“Sing Out Joyfully” to Jehovah—Lyrics Only

Enero de 2019 huatapi rurashca

Quichua (Chimborazo) (*sjjyls-QIC*)

© 2018

Watch Tower Bible and Tract Society of Pennsylvania

Rurajcuna

Watchtower Bible and Tract Society of
New York, Inc. Wallkill, New York, U.S.A.

Sociedad de Estudiantes de la Biblia - Testigos de Jehová
P.O.Box 09-01-1334 Guayaquil - Ecuador.

Made in Ecuador
Ecuadorpi rurashca



sjjyls-QIC
200522

Temacuna

<i>Jehová Diosmanta</i>	1-12
<i>Jesusmanta, pai huañushcamanta</i>	13-20
<i>Dios churashca Mandanamanta</i>	21-24
<i>Ungidocunamanta, shujtaj ovejacunamanta</i>	25-27
<i>Diospaj ñaupajpi alli ricurinamanta</i>	28-40
<i>Diosta mañanamanta</i>	41-47
<i>Jehová Diosman mingarinamanta</i>	48-52
<i>Huillanamanta</i>	53-84
<i>Tandanacuicunamanta</i>	85-93
<i>Bibliamanta</i>	94-98
<i>Huauqui panicunamanta</i>	99-103
<i>Ima shina canamanta</i>	104-130
<i>Familiamanta, amigocunamanta</i>	131-138
<i>Dios cusha nishcacunamanta</i>	139-147
<i>Quishpirinamanta, causarinamanta</i>	148-151

1 *Jehová Dios allimari cangui* (Apocalipsis 4:11)

1. Jehová canllami poderyuj cangui.
Canmantamari causaita charini.
Tucuitami rurashcangui Jehová.
Chaimantamari alabani.
2. Cashcata ruraj Mandaj Jehová Dios
cambaj Shimica tucuimi pajtarin.
Yachaisapa cajtaca Yayitu
Bibliapimari yachashcani.
3. Yallitaj c'uyaj Diosmari cangui.
Tucui allica canmantami shamun.
Canllatami sirvishpa causasha.
Cambaj shutita huillashami.

Jhová shutimi cangui

(Salmo 83:18, NM)

1. Jhová Dios canllami
tucuita ruraj cangui.
Cantaca huiñaitami
cushilla sirvisha.
Cambaj shutitami
jatunyachicushalla.
Jatun Mandaj cashcata
huillacushallami.

(CORO)

*Jhová Dios, Jhová Dios
jatunmari cangui.*

*Cielopipish Allpapipish
canllami mandangui.*

*Cambaj tucui podertaca
ricungacunami.*

*Canllata c'uyasha
alabashamari Jhová.*

2. Canllami ñucata
tucupi ayudangui.
Chaimi can mingashcata
pajtachi tucuni.
Ñuca Yayitulla
can agllashcamantami
cambaj testigo caní.
Agradicinimi.

(CORO)

3 *Canmi ñucata ayudaj cangui* (Proverbios 14:26)

1. Ñuca Yaya Dioslla cantami
huiñaita c'uyasha.
Canmari huiñai causaita
ñucaman cugringui.
Shinapish millai mundopica
llaquillami causani.
Canmanta caruyachunca
ama saquihuaichu.

(CORO)

*Manchaihuan cajpica
cuidanguimari.*

Nunca mana saquinguichu.

*Ñuca shunguta canpi
churashpami*

huillacushalla Jehová Dios.

2. Canta sirvicushcamantaca
cambaj maquihuanmi
ñucata pushacushcangui,
ayudacushcangui.
Chaimantami tucui shunguhuan
cushicushpa sirvisha.
Canta c'uyashcamantami
huillashpa catisha.

(CORO)

4 *‘Jehová Diosmi ñucata michij’* (Salmo 23)

1. C'uyashca michij Jehová Dios
canllatami catisha.
Imalla minishtishcataca
canmi ñucaman cungui.
Llullu q'uihuapi shinami
ñucataca michingui.
Sumaj causaita charichunmari
c'uyaihuan yachachingui.
Sumaj causaita charichunmi
c'uyaihuan yachachingui.
2. Cambaj shutimantamari
alli ñanta pushangui.
Chai ñanpimari puricuni
manataj llujshishachu.
Amsa pambata rijpipish
cuidahuangui Yaya Dios.
Imatapish mana manchashachu
canmi ayudahuangui.
Imata mana manchashachu
canmi ayudahuangui.

3. Llaquij michij cashpamari
ñucata huaquichingui.
Imapish mana illangachu
ñucata alli michij.
Canpish c'uyashcamantami
achcata cushicuni.
Tucui causaipimari cazusha
ñuca c'uyashca michij.
Tucui causaipimi cazusha
ñuca c'uyashca michij.

Jehová Diosca
tucuitami sumajta rurashca
(Salmo 139)

1. Jehová Dios canca tucuitami
ñucamanta alli yachahuangui.
Ñuca shunguta, yuyaicunatapish
rimaitapish canca
allimi rijsingui.

Mamapaj huijsapi cajpimi
ñucataca ña ricurcangui.
Shuj tullullapish mana illajtami
cambaj poderhuan
sumajta rurashcangui.

Yallitaj yachaj cashcamantamari
shungumanta alabacushalla.
Amsa tutapish cambaj ñahuipica
achij punlla shinami ricurin.

Jehová Dios cambaj ñaupajpica
imapish mana pacallachu can.
Maipi cajpipish ricucunguimari.
Ñucaca mana miticui
tucunichu.

6

Cielopi tiyashcacunaca Diostami alaban

(Salmo 19)

1. Jehová Dioslla cielota ricushpami
poderyuj cashcata
yachaj chayashcani.
Chaipi tiyaj luzerocunapish
can yachaisapa cajtami
punllanta ricuchin.
2. Yaya Dioslla can mandashcacunaca
luz shina cashpami
alli ñanta pushan.
Mishqui shina sumaj cajpimari
can nishcata pajtachishpa
cushilla causani.
3. Shungumanta canllata cazunaca
sumaj curitapish
yalli valishcami.
Millaitaca mana rurashachu.
Cantaca maipi cashpapish
jatunyachishami.

7 *Jhovami ñucata quishpichij*

(Isaías 12:2)

1. Achca poderta charij Jehová Dios
canmi ñucaman fuerzata cungi.
Huaquincuna mana uyajpipish
canmantaca huillacushallami.

(CORO)

Quishpichij Jehová, jatunmi cangi.

Punllantamari alabasha.

Shuj pirca shina cashcamantami

ñucata alli cuidaj Dios cangi.

2. Cambaj Shimita yachashpamari
ñucaca alli ñanta purini.
Can churashca Mandanamantaca
mana shaicushpami yachachisha.

(CORO)

3. Diablo ñucata Ilaquichijpipish
canmanta mana caruyashachu.
Jhová tucui ñuca causaipimi
cambaj munaita ruracushalla.

(CORO)

8 *Jehová Diosca ñuca miticunamari* (Salmo 91)

1. Jehovami ñucataca
alli cuidaracun.
Paipajlla llanduhuanmi
ñucata pacanga.
Mandaj Diosmi ñucataca
tucuimanta quishpichinga.
Paillata sirvijpica
manataj saquihuangachu.
2. Huaranga gentecuna
Diosta saquiipipish
ñucaca paillapimi
shuyashpa catisha.
Paipaj rigra ucupimi
llaquishpa huaquichihuanga.
Chaimari imatapish
mana manchashpa causasha.
3. C'uyashca Diospimari
shunguta churasha.
Trampapi urmachunca
mana saquingachu.
Paica escudo shinami
llaquicunata jarcanga.
Diosmari maquimanta
ñucataca pushahuanga.

9 *Jhovami ñucanchij Jatun Mandaj*

(Salmo 97:1)

1. Jehová canllami Jatun cangui.
Tucuitami canca alli mandangui.
Sumaj cantohuanmi canta alabanchij.
Cashcata ruraj Diosmi cangui.

(CORO)

*Cielopish Allpapish Jhovata cantaichij.
Paimi ñucanchij Jatun Mandaj.
Cielopish Allpapish Jhovata cantaichij.
Paimi ñucanchij Jatun Mandaj.*

2. Canlla quishpichij cashcataca
muyundij Allpapimi yachachishun.
Cambaj ñaupajpimi cungurinchij Jehová.
Huiñaitami jatunyachishun.

(CORO)

3. Cambaj c'uyashca Churitaca
tucuita mandachunmi churashcangui.
Yanga dioscunaca cambaj ñaupajpimi
pingaipi saquiringacuna.

(CORO)

10 *Jehová Diosta alabashunchij* (Salmo 145:12)

1. Ñucanchij Jehová Diostaca
cushilla alabashunchij.
Millaita rurajcunata
paica ñallami tucuchinga.
Paipaj shujlla Churi Jesustami
mandaj cachun ña churashca.
Cai Allpata pai mandacujpica
sumaj causaimi tiyanga.

(CORO)

*Mandaj Dios Jatun cajtaca
tucuicunaman huillashunchij.*

2. Ñucanchij Jehová Diostaca
cushilla alabashunchij.
Paimanta maipi cashpapish
shungumanta yachachishunchij.
Tucuita rurai tucuj cashpapish
mana jatun tucushcachu.
Yallitaj c'uyaj cashcamantami
ñucanchij mañaita uyan.

(CORO)

Jehová rurashcacunaca paitami alaban

(Salmo 19)

1. Jehová Dios can rurashcacunami
cambaj poderta ricuchincuna.
Chaicunaca mana rimashpapish
punllantami canta^alabancuna.
Chaicunaca mana rimashpapish
punllantami canta^alabancuna.
2. Mandaj Dioslla canta cazushpami
alli ñanta ñucaca purisha.
Cambaj sumaj mandashcacunaca
curitapish yalli valishcami.
Cambaj sumaj mandashcacunaca
curitapish yalli valishcami.
3. Jehová canta rijsishcamantami
pagui nishpa cushilla causani.
C'uyashca Dios cambaj shutitaca
gentecunaman yachachishami.
C'uyashca Dios cambaj shutitaca
gentecunaman yachachishami.

1. Yallitaj llaquij Yaya Jehová Dios
cantami shungumanta
cushilla cantacunchij.
Achcata yachaj, jucha illaj Dios
cantami adoranchij.
2. C'uyaj shunguta charishpamari
pandarijlla cajpipish
tucupi ayudangui.
Cambaj Shimihuan yachachishpami
ñucanchijta pushangui.
3. Tucuita rurai tucuj cajpimi
achcata cushicushpa
cantaca alli ninchij.
Huiñai huiñaita causaj Jehová Dios
cantami alabanchij.

13 *Jesús shina causashunchij*

(1 Pedro 2:21)

1. Juchayujcunata
c'uyashcamantami
Yaya Diosca paipaj Churita curca.
Aichayuj tucushpa
caiman shamushpami
Jesusca Yayata cushichirca.
2. Paipaj causaipica
tucui shunguhuanmi
Yayapaj munaita pajtachij carca.
Humilde cashpami
tucuiipi cazurca.
Chaita rurashpami cushicurca.
3. Jesús shinamari
tucui punllacuna
Diosta cushichishpa causana canchij.
Pai shina cashpaca
Diospaj ñaupajpimi
ñucanchijpish alli ricurishun.

*Cai Allpata mandaj
mushuj Reyta alabashunchij*
(Salmo 2:12)

1. Jesusca cai Allpapimi
achca gentecunata
tucuri punllacunapi
cushilla tandachicun.
Jehová churashca Mandajca
cielopi ñami mandacun.
Ñallamari cai Allpatapish
paraisota ruranga.

(CORO)

*Ñucanchij Diostapish paipaj Churitapish
cushicushpa alabashunchij.
Tucui mandajcunata Mandajca
Quishpichij Jesusmari.*

2. Jesús Rey cashcamantami
jatunta cushicunchij.
Pai c'uyaj Juez cashpamari
sumaj causaita cunga.
Llaquitapish huañuitapish
ñallamari chingachinga.
Chai punllaca sumajmi canga.
Cushillami shuyacunchij.

(CORO)

15

¡Diospaj punta Churita alabashunchigari!

(Apocalipsis 11:15)

1. Mushuj Rey Jesusca

Diospaj punta Churimi.
Cashcata rurashpami
tucuita[^]alli mandanga.

Jesusca Yaya Diosta
c'uyashcamantami
Dioslla jatun cashcata
ñalla ricuchinga.

(CORO)

*Dios agllashca Reyta
alabashunchigari.
Sión urcumantami
Jesusca ña mandacun.*

2. Quishpichij Jesusta

alabashunchigari.
Pai huañushcamantami
Dioshuan alli tucunchij.

Ñallami cielopica
shuj boda tiyanga.
Chaipimi Jehová Diosta
alabangacuna.

(CORO)

16

Jesusta agllashcamanta Diosta alabashunchij (Apocalipsis 21:2)

1. Jehovami paipaj Churita
Mandaj cachun agllarca.
Paica cashcata rurashpami
tucuita alli mandanga.

(CORO)

*Jesusta agllashcamantaca
Jehovata pagui nishunchij.
Jesusta catijcunaca paita
punllanta cazushunchij.
Jesús ña Mandaj cashcamanta
Jehovata alabashunchij.
Diospaj shutitaca ñallamari
paica jatunyachigrin.*

2. Jehová agllashcacunaca
Jesuspaj noviami can.
Paicunami cai Allpataca
Jesushuan mandangacuna.

(CORO)

1. Cai Allpaman shamushpaca
Jesusca shungumantami
ungushcacunata,
ciegocunata
cushilla alliyachirca.
Humilde gentecunaman
Diosmantami yachachirca.
Paica tucui gentecunatami
ayudanata munarca.
2. Jesús shina ñucanchijpish
c'uyaita ricuchishunchij.
Ungushcacunata,
huajchacunata
cushilla ayudashunchij.
Llaquilla causajcunaman
Diosmanta yachachishunchij.
Shujtajcuna ayudai nijpica
caipimi cani nishunchij.

18 Quishpichishcamanta pagui Jehová

(Lucas 22:20)

1. C'uyashca Jehová Dios
cantami cantani.
Tucui shunguhuanmi
achcata pagui nini.
Llaquishcamantami
Jesusta curcangui.
Yayitu Dios canllami
chashna c'uyashcangui.

(CORO)

*Jesuspaj yahuarmentami
ñucata quishpichishcangui.
Shungumantami
canta pagui nini c'uyaj Dios.*

2. Jesusca Ilaquishpami
caiman shamurca.
Juchacunamanta
ñucata quishpichirca.
Ñaupaca Ilaquillami
causacurcani.
Cushilla causaitami
cunanca shuyani.

(CORO)

*Jesús huañushcata
yuyarina tandanacui*

(Mateo 26:26-30)

1. Yayitu Jehová cai tutaca
ñucanchijpajca sumajmi.
Ñaupá tiempomanta achca c'uyaitami
canca ricuchimushcangui.
Malta ovejapaj yahuarmi
Israelta quishpichirca.
Achca huatacuna q'ui-paca Jesuspish
paipaj yahuartami jicharca.
2. Ñucanchijmanta huañuchunmi
cambaj Churita curcangui.
Tandapish vinopish
pai ñucanchijmanta
huañushcatami ricuchin.
Shungumantami Jehová Dioslla
achcata agradicinchi.
Jesuspaj yahuarmi
juchacunamanta,
huañuimantapish quishpichirca.

3. Cai sumaj tandanacuimanca
cushillami shamushcanchij.
Jehová Dios cantapish
Jesucristotapish
achcatami pagui ninchij.
Ñucanchijta quishpichishcata
manataj cungarishunchu.
Jesús mandashcata tucui punllacuna
mana shaicushpami cazushun.

(Cai versocunatapish leyipai: Luc. 22:14-20; 1 Cor. 11:23-26).

20 Pagui cambaj Churita cushcamanta

(1 Juan 4:9)

1. Llaquilla cajpimi
cushichingui Jehová.
Ñucata c'uyashpa
quishpichishcangui.
Tucui shunguhuanmi
cantaca sirvisha.
Tucuicunamanmi
canmanta huillasha.

(CORO)

*Canca ñucanchijta
c'uyashcanguimari.
Cambaj shujlla Churita
cushcamanta pagui Jehová.*

2. C'uyaj Dios cajpimi
cantaca mashcanchij.
Yaya Dios cantaca
alabashami.
Jesusta huañuchun
cachashcamantami
huiñaita causasha.
Chaimanta pagui Dios.

(CORO)

(TUCURI)

C'uyashca Yaya Dios pagui ninchijmari.
Cantaca tucui shunguhanmi alabashun.

*Jehová Diospaj
munaitaraj rurashunchij*
(Mateo 6:33)

1. Diosca paipaj shujlla Churi
mandachunmi churarca.
Paica tucuicunamanta
cashcatami ruranga.

(CORO)

*Jehová Diospaj munaitaraj
rurashpa causashunchij.
Jatun Mandaj Jehová Diospi
shunguta churashunchij.*

2. Micunapi churanapi
ama yalli yuyashun.
Diosca ima illashcata
ñucanchijman cungami.

(CORO)

3. Dios churashca mandajmari
sumaj causaita cunga.
Chaitaca gentecunaman
cushilla huillashunchij.

(CORO)

*Jesús cai Allpata
mandachunmi mañanchij*
(Apocalipsis 11:15; 12:10)

1. Huiñai huiñaicama causaj,
tucuita Mandaj Dios,
cambaj Churi mandachunmi
canca agllashcangui.
Jesusca Allpa pachata
ñallami alli mandanga.

(CORO)

*Quishpirina punlla
ñallamari chayamugrin.
Jesús mandachunmi
canta mañanchij Jehová Dios.*

2. Jesusmari Diablotaca
Allpaman shitarca.
Chaimari angelcunapish
cushilla cantacun.
Jesusca Allpa pachata
ñallami alli mandanga.

(CORO)

3. Jesusmi p'iñaj Diablota
ñalla chingachinga.
Cai Ilaqui causaitapishmi
tucui anchuchinga.
Jesusca Allpa pachata
ñallami alli mandanga.

(CORO)

23 Jehová agllashca Reymi ña mandacun

(Apocalipsis 11:15)

1. Cai punllaca sumajmi.
Diospaj c'uyashca Churi
mandanapi ñamari tiyacun.
Quishpichij Jesucristo
ña mandacushcamanta
cushicushpa
Diosta jatunyachishunchij.

(CORO)

*Jehová agllashca Rey Jesusca
tucuitami allichinga.
Alhaja huiñai causaitapish
ñallamari apamunga.
Jatun Mandaj Jehová Diosta
punllanta cantashunchij.*

2. Diospaj jatun punllaca
ñallami chayamunga.
Llaquicunata tucuchingami.
Humilde gentecuna
Diospaj lado tucuchun
cunanmari huillashpa
catina canchij.

(CORO)

3. Ñucanchij Rey Jesusca
Jehovapaj shutipimi
cai pachataca ñalla mandanga.
Yaya Diospaj huasiman
yaicushpa mañashunchij.
Shungumanta
Rey Jesusta cazushunchij.

(CORO)

*Jhová Diospaj
urcuman huichiyashunchij*
(Isaías 2:2-4)

1. Diospaj urcutaca
alli ricuichigari.
Tucui urcucunata
yalli jatunmari.

Gentecunataca:

‘Cai urcuman callpashpa
Diosta adoranaman
shamuichij’ nishunchij.

Uchilla llajtaca
jatun llajtamari tucushca.
Ñucanchij Jhová Dios
bendiciacujpimi miracun.

Mana shaicushpami
huaranga gentecuna
Jatun Mandaj Diosllata
alli sirvicunchij.

2. Jesús mandashcata
utca pajtachishunchij.
Alli huillaicunata
siempre huillashunchij.
Jahua pachapica
paica ñami mandacun.
Sumaj causaitamari
ñucanchijman cunga.
Jhovapaj urcuman
achcacunamari shamucun.
Paicuna shamujta
ricushpamari cushicunchij.
Tucui gentecuna
cushilla causachunca:
'Diospaj jatun urcuman
shamuichij' nishunchij.

25 *Jehová agllashca ungidocuna* (1 Pedro 2:9)

1. Diosmi canacunamanca
c'uyaita ricuchishca.
Espíritu santohuan
cancunata agllashca.

(CORO)

Yallitaj valishca

curimari canguichij.

Tandalla cashpami

Jhovamanta yachachinguichij.

2. Alli ñanpi purichun
Jhovamari agllashca.
Paimantami c'uyaihuan
alli huillanguichij.

(CORO)

3. Jesús mandashcataca
allimi cazunguichij.
Humildecunatami
tandachicunguichij.

(CORO)

1. Ungidocunata ayudashcamanta
Jesusca ñucata bendiciangami.
Paicunata
ayudashpa catijpica
cashnami Jesusca ñucata ninga:

(CORO)

*“Ungidocunata ayudashpaca
ñuca shungutami cushichircangui.
Ñuca huauquicunata c'uyashpaca
canca ñucatami c'uyarcangui.
Tucuitami ñucapaj rurashcangui”.*

2. “Yacunachijpipish yaricachijpipish
minishtishcatami siempre curcangui”.
Chaimi “¿Ima horataj
ayudarcani?,
huillahuai Jesús” nishpa tapurcani.

(CORO)

3. “Ñuca mandashcata pajtachishpamari
ñuca huauquicunahuan huillarcangui.
Chaimantamari
paraíso Allpapi
canca cushilla causangui” nircami.

(CORO)

*Ungidocunaca ñallami
Jesushuan mandanga*
(Romanos 8:19)

1. Ungidocunami ñalla
Jesushuan mandanga.
Chaita ricusha nishpami
cushilla shuyanchij.

(CORO)

*Jehová agllashcacunaca
Jesushuanmi ñalla
Armagedonpi mishashpa
cushicungacuna.*

2. Mandaj Jesusca ñallami
ungidocunata
paihuan huiñaita mandachun
cieloman pushanga.

(CORO)

(SHUJTAJ TONO)

*Armagedón q'uipamari
ungidocunaca
novia shina Rey Jesushuan
cazarangacuna.*

(CORO)

28 *Jhovapaj amigo tucushunchij* (Salmo 15)

1. ¿Pihuantaj Jehová Dios
amigo tucungui?
¿Cambajlla carpa huasipica
pitataj chasquingui?
Juchacunamanta
caruyajcunata,
tucuipi cazujcunatami
chaipica chasquingui.
2. ¿Yaya Dios cantaca
pitaj cushichinga?
¿Maijantaj cambaj bendicionta
cushilla chasquina?
Llullana yuyaita
mana charijcuna,
cashcata rurajcunamari
canta cushichinga.
3. C'uyashcamantami
ñucata cuidangui.
Ñuca amigo cashcamanta
canpimi confiani.
Jehová Dios cantaca
mana saquishachu.
Cambaj amigo tucunaca
yallitaj sumajmi.

29 *Tucui causaipimi cambaj shutita jatunyachishun* (Isaías 43:10-12, NM)

1. Tucuita ruraj, huiñaita causaj Dios
canca cashcata rurajmi cangui.
Yallitaj c'uyaj, tucuita yachaj Dios
can shina Diosca mana tiyanchu.
Cada punllami cambaj shutitaca
tucui gentecunaman huillanchij.

(CORO)

*Tucui causaipimi cambaj shutita
jatunyachishun Yaya Jehová Dios.*

2. Tandalla canta sirvishcamantami
cushilla alli causanchij Jehová.
Cambaj shutitaca tucui shunguhuan
yachachishpami caticushunlla.
Cambaj testigocuna canataca
mana nunca saquisha ninchijchu.

(CORO)

*Jhovami ñuca Yaya
ñuca amigo ñuca Dios*
(Hebreos 6:10)

1. Cai mana[^]alli mundopi
Ilaquicunata charishpapish
Diosta sirvishpamari
cushilla causani.

(CORO)

*Cashcata ruraj Diosca
paita cushilla sirvijpica
mana cungaringachu,
paica ñuca c'uchupimi.
Paimari ñuca Yaya,
ñuca amigo, ñuca Dioslla.
Ñucataca c'uyaihuanmi
paica cuidan.*

2. Yuraj uma cashpapish
fuerzas illaj saquirishpapish
Dios cusha nishcatami
shuyashpa catisha.

(CORO)

31 *Dioshuan purishpa catingui* (Miqueas 6:8)

1. Dioshuan purishpa catingui.
Paita^ama saquinguichu.
Humilde cashpa, c'uyaj cashpami
paipaj c'uchupi cangui.
Pai mandashcata cazushpaca
cushimi causangui.
Shungumanta cazujpimi
alli ñanta pushanga.
2. Dioshuan purishpa catingui,
cashcata rurapangui.
Tentacioncuna ricurijpica
paimi canta^ayudanga.
Chuya yuyaita charishpami
allita rurangui.
Jehová Diospaj ñaupajpica
allimi ricuringui.
3. Dioshuan purishpa catingui,
cushilla sirvipangui.
Bendicioncunata cushcamanta
achcata pagui ningui.
Paipaj amigo cashcamanta
shungumanta cantai.
Jehová Dioshuan purishpaca
cushillami causangui.

1. Panda religionpi cashpamari
amsapi shina puricurcanchij.
Cunanca Diosta allí rijsishpami
cushilla sintirinchij.

(CORO)

Diosmi ñucanchijta alli cuidanga.

Paimanta amataj caruyashunchij.

*C'uyaj Jehová Diospaj lado tucushpa
pai yachachishcata pajtachishunchij.*

2. Jehová churashca Mandanamanta
muyundij Allpapi huillashunchij.
Cunanmi Diospaj lado canata
utca agllana canchij.

(CORO)

3. Millai Diablocata tucui layami
ñucanchijta llaquichisha nin.
Paita amataj manchashunchijchu.
Jehovapi confiashunchij.

(CORO)

*Cambaj Ilaquicunataca
Diosman mingai*
(Salmo 55)

1. C'uyaj Dios ñuca mañaita
alli uyahuayari.
Llaquicunahuan cashpami
achca manchaihuan cani.

(CORO)

*Cambaj Ilaquicunataca
cushichij Jehová Diosman mingai.
Paica canta cuidangami,
manataj saquingachu.*

2. Paloma shina cashpaca
jahuata volashpami
Ilaquichijcunamantaca
ratito caruyaiman.

(CORO)

3. Canmi ñuca yuyaitaca
samachihuangui Jehová.
Huiquilla ñahui cajpipish
c'uyaihuanmi p'ichangui.

(CORO)

34 *Tucui causaipimi canta cazusha* (Salmo 26)

1. Mandaj Dioslla ñucata ricuhuai.
Canta cazushcata allimi yachangui.
Ñuca tucui yuyaicunatapish
ñuca shungutapish shushushpa ricuhuai.

(CORO)

*Jehová Dioslla tucui causaipimi
cantaca cushilla cazushpa catisha.*

2. Canta p'iñaj gentecunahuanpish
Ilullajcunahuanpish mana purinichu.
Ñucataca juchayujcunahuan
Ilaquilla huañuchun ama saquihuaichu.

(CORO)

3. Jatun Dioslla cambaj huasipica
canta punllantami adorasha nini.
Altar huasha muyundijta rishpa
canta pagui nishpa cantacushallami.

(CORO)

*Ima importante
cashcata agllashunchij*
(Filipenses 1:10)

1. Cunan tiempomi ima alli cashcata
yachana canchij.
Imalla importante cashcatamari
agllana canchij.

(CORO)

Jehová Diosta c'uyajcuna

millaitaca

p'iñashpa catishunchij.

Shinami Yaya Diospaj

shunguta siempre cushichishun.

2. Tucuicunaman Diosmanta huillanami
importante can.
C'uyashca Diosta shungumanta cazuchun
ayudashunchij.

(CORO)

3. Diospajta ruranami ñucanchijmanca
cushicuita cun.
Llaquicunahuan cajpipish Yaya Diosmi
sinchiyachinga.

(CORO)

36 Ñucanchij shunguta cuidashunchij

(Proverbios 4:23)

1. Ucu shungu munaitaca
alli cuidashunchij.
Maipica pandachishpami
juchapi urmachin.
Diosca ñucanchij shunguta
yuyaita rijsinmi.
Alli ñanpi purishpami
paita cushichishun.
2. Diospajman c'uchuyangapaj
paita mañashunchij.
Punllanta cuidashcamanta
agradicishunchij.
Dios yuyailla purishpami
allita rurashun.
Paipajta rurashpamari
cushilla causashun.
3. Bibliata yachashpamari
shunguta cuidashun,
mapa munaicunamanta
utca anchurishun.
Diosta cazujcunataca
paica bendicianmi.
Jehová Diosta huiñaicama
jatunyachishunchij.

37 Cantaca tucui shunguhanmi sirvisha

(Mateo 22:37)

1. Jatun Mandaj Jehová Dioslla,
ñuca c'uyashca Diosmi cangui.
Canta tucui causaipimi
cushilla alli adorasha.
Cambaj mandashcacunatapish
tucupimi pajtachisha.

(CORO)

*C'uyaj Jehová Dios cantaca
tucui shunguhanmi sirvisha.*

2. Cai Allpapish cielopishmi
can Jatun cajta ricuchicun.
Ñucapish cambaj shutita
cada punllami rijsichisha.
Canllatami huiñai huiñaita
jatunyachishpa causasha.

(CORO)

38 *Jhovami fuerzata cushpa cuidanga*

(1 Pedro 5:10)

1. Humilde shunguta charishcatamari
Jhová Diosca canpica ricushca.
Chaimantami canta achcata c'uyashpa
amsamanta achijman llujchishca.
Canllata sirvisha nishpamari
Diosta shuj mañaita rurashcangui.

(CORO)

Jesuspaj yahuarhuanmi

cantaca randirca.

Cunanca Jhovami

tucuiپی cuidanga.

Paipajlla cashcamanta

mana saquingachu.

Fuerzata cushpami

ñaupajman pushanga.

2. Diosca paipaj shujlla Churita cushpami
canta c'uyashcata ricuchishca.
Chashna c'uyaj Diosca fuerzata cushpami
cantaca ayudashpa catinga.
Tucui shunguhuan sirvishcatapish
paica manataj cungaringachu.

(CORO)

*Diospaj ñaupajpi
alli ricurinatami munani*
(Eclesiastés 7:1)

1. Cada punllami Dios mandashcataca
tucui shunguhuan cazushpa causasha.
Chaita rurashpami paipaj ñaupajpica
ñucaca alli ricurisha.
2. Cullquiyuj cana, rijsishca canami
cai pachapica valishca ricurin.
Chaita mashcanaca Diospaj ñaupajpica
mana valinchu, yangallami.
3. Yayitu Dioslla cambaj libropimi
ñuca shutita quillcachun mañani.
Tucui causaipimi canllata sirvisha.
Cantaca mana saquishachu.

1. ¿Canca pi diostataj
sirvishpa causacungui?
Pitami ashtahuan c'uyangui,
chaimi cambaj dios shina can.
Mana ishqui diosta
sirvi tucunguimanchu.
Maijanta adoranatamari
utca agllana cangui.
2. ¿Canca pi diostataj
sirvishpa causacungui?
Cai mundopi mandajcunaca
dios layami tucusha nin.
Jhovata sirvichun
paicuna jarcajpica
canca Jhovapaj munaitarajmi
utca rurana cangui.
3. ¿Ñucaca pitataj
sirvishpa causacuni?
Jhová Diosta sirvinatami
ñucaca ña agllarcani.
Jesuspaj yahuarhuan
quishpichishcamantami
Yaya Diosllata tucui causaipi
ñucaca adorasha.

*Jehová Dioslla
ñuca mañashcata uyahuai*
(Salmo 54)

1. Jehová Dioslla cambajmi cani.
Cai cantota chasqui huayari.
Canllamari Jatun Dios canguí.

(CORO)

Ñuca mañaita uyahuilla.

2. Shuj punllahuan causaita cushpa
c'uyai huanmi alli cuidanguí.
Shungumantami pagui nini.

(CORO)

3. Cambaj ñanpi purinataca
achcatami munani Jehová.
Fuerzata cushpa ayudahuai.

(CORO)

42 *Diosta sirvijcunapaj mañai* (Efesios 6:18)

1. Jehová Dioslla ñucanchij Yayitu
cambaj shutica alli nishca cachun.
Can tucuita mandana punlla
chayamuchunmi mañaracunchij.
Cambaj munaita utca
rurachunmi shuyanchij.
2. Punllantami causaita, samaita,
micunata ñucanchijman cushcangui.
Yachaitapish cushcamantami
cunanca alli ñanta catinchij.
Tucuita cushcamanta
achcata pagui Jehová.
3. Can nishcata pajtachingapajca
fuerzata cushpa ayudahuayari.
Ñucanchij llaquicunatapish
cambaj maquipi saquipanchijmi.
Ñaupajman catingapaj
ayudahuai Jehová Dios.

43 *Diosta pagui ningapajmi mañanchij* (Salmo 95:2)

1. Tucuita ruraj Yayitu Jehová Dios,
tucui shunguhuanmi mañacunchij.
Canca achcata Ilaquishcamantami
ñucanchijmanca tucuita cungui.
Cada punllami juchapi urmanchij,
perdonahuai c'uyaj Jehová Dioslla.
Ñucanchijta Jesuspaj yahuarhuanmi
quishpichircangui, pagui ninchijmi.
2. Punllantamari c'uyaihuan cuidangui,
pagui ninchijmi Yayitu Jehová.
Canmanta ama caruyangapajca
alli ñanta ricuchihuayari.
Cambaj Shimita alli huillangapaj
ayudashcamanta pagui ninchij.
Canta sirvichun ñucanchijcunata
agllashcamantapish pagui Jehová.

44 *Shungu p'aquirishcami mañacuni* (Salmo 4:1)

1. Jehová Dios ñuca mañashcata
uyahuayari.
Llaquicunaca quipi shinamari
llashacun.
Yallitaj shaicushcami sintirini
Yaya Dios.
Cambaj ñaupajpi cumurishpami
huacacuni.

(CORO)

*Cai llaquita ahuantashpa
catingapaj ayudahuai.
Canca c'uyaj Diosmi cangui.
Fuerzata cuhuai Jehová Dios.*

2. Llaquilla cashpaca
mana parlai tucunichu.
Canmari ñuca shungutaca
alli rijsingui.
Bibliahuanmari ñucataca
cushichihuangui.
Ñucata c'uyashcata
yuyachipai Yaya Dios.

(CORO)

45 *Ñuca shungupi yuyarishcacuna* (Salmo 19:14)

1. Jehová Dios ñuca shungupi
imalla yuyashcacuna
punllanta cambaj ñaupajpi
alli ricurishca cachun.
Llaquicunahuan cajpica
durmipish mana japinchu.
Tranquilo causangapajca
canpimi yuyani Jehová.
2. Tucuiipi chuya canapi,
cashcata ruraj canapi
ashtahuan yuyashpamari
cushi causaita charisha.
Cambaj consejocunaca
yallitaj sumajmi Jehová.
Punllanta yuyarishpami
cambaj munaita rurasha.

Pagui Jehová
(1 Tesalonicenses 5:18)

1. Ñucanchij mañaita uyashcamanta,
cutichishcamanta pagui Jehová.
Ñucanchijman mana llulla ñantami
rijsichihuashcangui, achca pagui.
2. Cai Allpaman cambaj churi Jesusta
cachashcamantami pagui ninchij.
Quiquinpaj munaita pajtachingapaj
ayudashcamanta pagui Jehová.
3. Quiquinpaj shutita yachachichunmi
ñucanchijta agllashcangui Jehová.
Sumaj causaita cugrishcamantapish
shungumantami pagui nipanchij.

47 Punllantami Jehová Diosta mañasha

(1 Tesalonicenses 5:17)

1. Ñuca shunguta pascashpamari
cada punlla Diostaca mañani.
Siempremi paica ñucata uyan.
Ñuca c'uyashca amigomari.
Chaimi cushilla cani.
2. Ñucata c'uyashpa cuidajpimi
punllanta Jehovata pagui nini.
Perdonahuai nishpami mañani.
Paica ñucata allimi rijsin.
Llaquij Dios Yayamari.
3. Sinchi llaquicunahuan cashpaca
Diostami ayudachun mañani.
Paipi shunguta churashpamari
cushilla tranquilo sintirini.
Punllanta mañashami.

Tucui punllacuna
Dioshuan purishunchij
(Miqueas 6:8)

1. Jehová Diospaj maquimanta
amataj cacharirishunchij.
Paica cada punllamari
ñucanchijta alli cuidacun.
Diospajlla causangapajmi
paiman mingarircanchij.
Pai imalla mandashcata
shungumanta cazushunchij.
2. Diablopaj punllacunaca
ñallamari tucurimugrin.
Paica tucui layamari
Diosmanta caruyachisha nin.
Pero c'uyaj Jehová Diosca
cuidashpami catinga.
Maquimanta japij shina
tucui pimi ayudanga.
3. Diosca c'uyashcamantami
ñucanchij mañaita uyashpa,
espíritu santotapish
Bibliatapish cushpa ayudan.
Jehová shina ñucanchijpish
c'uyaita ricuchishpa,
humildecuna cashpami
paihuan purishpa catishun.

49 Jehovapaj shunguta cushichishunchij

(Proverbios 27:11)

1. Jehová ñuca causaitami
cambaj maquipi churani.
Punllanta cambaj munaita
rurashpami cushichisha.
2. Canta 'alli cazujtami'
yachachichun churashcangui.
Paicuna ayudajpimi
cambaj munaita rurani.
3. Jehová canta sirvingapaj
ñucaman fuerzata cuhuai.
Tucuipi cambaj shunguta
cushichishpami causasha.

50 *Diosman mingarishpami mañani* (Mateo 22:37)

1. Ñuca tucui causaita
chasquihuai Jehová Dioslla.
Ñuca cantocunata
cushicushpa uyapai.
2. Ñuca maqui, chaquica
canta sirvingapajmi.
Ñuca cullqui, oropish
cambajmi c'uyashca Dios.
3. Ñuca tucui causaipi
cantami cushichisha.
Cambaj munaita Jehová
siempremi pajtachisha.

51 *Diosmanmi mingarircanchij*

(Mateo 16:24, NM)

1. Jehová Dios pushamujpimi ñucanchijca
Jesusta catijcuna canchij.
Dios yachachishcacuna
shunguman chayajpimi
paita tucui causaipi
c'uyai callarircanchij.

(CORO)

*Ñucanchij causaita Diosman mingashpami
cunanca cushilla sintirinchij.*

2. Shuj mañaita rurashpami: 'C'uyashca Dios
cantami sirvisha' nircanchij.
Yaya Diospaj shutita
shujtaj gentecunaman
huillashpa purinaca
yallitaj sumajmari.

(CORO)

52 ‘Ñuca causaita canmanmi mingani’

(Hebreos 10:7, 9)

1. Jehová Diosca tucuitami
sumajta rurarca.
Allpatapish cielotapish
paimari rurarca.
Ñucanchijpish paimantami
causaita charinchij.
Chaimantami Yaya Diosllata
adorashpa causashun.
2. Bautizarina punllaca
Jesusca Diostaca:
‘Quiquinpaj munaitamari
rurasha’ nircami.
Yacumanta llujshishpaca
apunchij Jesusca
punllantami tucui shunguhuan
Jehová Diosta cazurca.
3. Cambaj munaita rurashpa
causangapajmari
ñuca causaita quiquinman
mingani Jehová Dios.
Jesuspaj yahuarmentami
quishpichihuarcangui.
Causacushpapish huañushpapish
cambajmi caní Jehová.

1. Ñamari
pacarishca.
Huillanaman rigrini.
Pero cunanca
tamyacushcamari.
Huasimanta mana llujshisha
ninichu.

(CORO)

Cushicushpa huillangapajca

Diostami mañani.

Paimi ñucataca tucuipi

cuidaracun.

Rey Jesuspish angelcunapish

ñucahuanmari can.

Chaipi ashtahuan yuyashpami

huillagrini.

2. Huillashpa,
tigrashpaca
cushillami cainani.
Tucui shunguhuan
canta sirvijpica
siempremi yuyaipi charingui,
Jehová Dios.

(CORO)

1. Sumaj causaiman
 apaj ñanca tiyanmi.
 Chai ñanmantaca
 Jesusmi yachachirca.
 Bibliapimari
 chaita yachai tucungui.
 Chaipimi c'uyaj
 Diosmantaca yachanguí.

(CORO)

*Caimari ñan, quishpichij ñanmari.
 Diosmanta alli yachanamari.
 Shujtaj ñanta ama mashcaichu.
 Jehová Diosca canhuanmari canga.*

2. C'uyanata
 yachachij ñanca tiyanmi.
 Jehová Diosmari
 chai ñanta ricuchicun.
 Paimi yallitaj
 c'uyaitaca ricuchin.
 Chaimantamari
 ñucanchijpish c'uyanchij.

(CORO)

3. Huiñai causaiman
apaj ñanca tiyanmi.
Chai shina ñanca
mana shujtaj tiyanchu.
Tucui shunguhuan
Jhovata cazushpaca
huiñaitamari
cushicushpa causangui.

(CORO)

1. Ñucamanta huillajcuna
ama manchanguichijchu.
Alli huillaicunata
yachachishpa catic hij.
Jesusca cielomantami
Diablotaca shitarca.
Ñallamari mil huatata
paica huichcashca canga.

(CORO)

*Ñucata sirvijcunalla
amataj manchaichijchu.
Ñuca ñahuita shinami
cancunata cuidasha.*

2. Contracuna p'iñarishpa
llaquichisha nijpipish
ama manchanguichijchu,
cancunahuanmi cani.
Tucuipimi cancunata
cuidashpa caticuni.
Cancuna mishangacama
ñucami ayudasha.

(CORO)

3. Cancunalla cashcataca
ama yuyanguichijchu.
Ñucaca cancunata
manataj saquishachu.
Ñucamanta huañujpipish
cutinmi causachisha.
Ñallami huiñai huiñaita
cushilla causanguichij.

(CORO)

56

Dios yachachishcacunata cazushunchij

(Proverbios 3:1, 2)

1. Yayitu Jehová yachachishcacunaca
cushi causachunmi ayudan.
Chaimantamari pai mandashcacunata
yuyaipi charina canchij.

(CORO)

*Mandaj Jehová Dios
yachachishcacunata
tucui punllacuna
cazujpica
paica bendiciangami.*

2. Tucui fuerzahuan paita sirvicujtaca
Yayitu Diosca ricucunmi.
Shamuj punllaca huiñai causaitamari
ñucanchijman ñalla cunga.

(CORO)

3. Tucucunami Jehovapaj ñaupajpica
uchilla huahua shina canchij.
Pai ñucanchijta ayudajllapimari
cushilla alli causanchij.

(CORO)

57 *Tucuicunaman huillashunchij*

(1 Timoteo 2:4)

1. Jehová Dios laya cashcamantami
tucuicunata chasquisha ninchij.
Paita sirvisha nijcunataca
Diosca cushicushpami chasquina.

(CORO)

Ñucanchij shungumari

Diospajca valishca can.

Tucuicunatami pai rurarca.

Tucuicunami Dioshuan

alli apanacushun.

Paimi tucuicunata yachachin.

2. Maimanta cajpi, huajcha cajpipish
Diosca tucuicunatami chasquin.
Ñucanchij shunguta, yuyaitami
Diosca tucuicunapi ricucun.

(CORO)

3. Tucuicunaman huillashpamari
Jehová c'uyashca shina c'uyashun.
Millai ruraicunata saquishpa
Diosta sirvijpica chasquishunmi.

(CORO)

58

*Quishpirisha nijcunata
mashcashunchij*

(Lucas 10:6)

1. Jesucristoca cushicushpami
paraíso tiyanata
gentecunaman huillarca.
C'uyaimantami tucuicunaman
cada punlla huillanata
mana saquirca.
Jesús shinami ñucapish
alli huillaicunataca
cushicushpa yachachigrisha nini.

(CORO)

Alli shungu

gentecuna tiyangamari.

Jehová Diosman

c'uchuyachun mashcasha nini.

Paicunapish

quishpirichun.

2. Punllacunaca tucuricunmi,
gentecuna quishpirichun
utcami huillana cani.
Llaquicunata charijcunaman
cushicushpa causachunmi
yachachigrini.
Jehová Diosta rijsinata
munajcuna tiyangami.
Paicunata mashcashpami purini.

(CORO)

59 *Jehová Diosta cantashunchij*

(Salmo 146:2)

1. Jehová Diosta
cantashunchij.
Paica tucuita rurai tucujmi.
Tuta cashpa
punlla cashpa
paipaj shutita alli nishunchij.
Paimi ñucanchijman causaita cun.
2. Jehová Diosta
cantashunchij.
Paica tucuicunata llaquinmi.
Mañashcata
uyacunmi.
Allicunata mana saquinchu.
Paita cushilla adorashunchij.
3. Jehová Diosta
cantashunchij.
Paica cashcata ruraj Yayami.
Millaitaca
tucuchishpa
alli causaita apamungami.
Tucui shunguhuan alabashunchij.

60 *Huiñaita causangapaj huillashunchij*

(Ezequiel 3:17-19)

1. Jehová Diosca paimanta
yachachunmi munan.
Paipaj jatun punllaca
ñallami shamunga.

(CORO)

*Huillashpaca ñucanchijpish
causashpami catishun.
Yaya Diosta cazushpaca
tucuicunami huiñaita
causashun.*

2. Tucui gentecuna
Jehovata rijsichunmi
tiempo tiyajpiraj
yachachishpa purishun.

(CORO)

(SHUJTAJ TONO)

Utcami Jehovamanta
huillanaman rina canchij.
Paicuna uyashpaca
huiñaitamari causanga.

(CORO)

*¡Testigocuna,
ñaupajman catishunchij!*
(Lucas 16:16)

1. Mana manchashpami tucui shunguhuan
Diosmanta cushilla huillashpa catishun.
Diablo sinchita jarcajpipish
huillanataca mana saquishunchu.

(CORO)

*Tucui testigocuna mana shaicushpa
ñaupajman catishunchij, yachachishunchij.
Ñallami cai Allpapi alli causashun,
llaquicuna mana tiyangachu.*

2. Sinchi llaquicuna ricurijpipish
Diosmami tucuiipi cazushpa causashun.
Cai mundopaj ruraicunahuan
mana chagrurinata yuyashunchu.

(CORO)

3. Mandaj Diosmami millai gentecuna
achcata p'iñashpami burlarincuna.
Ñucanchijca Diospaj shutita
huillashpami paita jatunyachinchij.

(CORO)

62

Mushuj cantota cantaichij

(Salmo 98)

1. Mandaj Diosmanca mushuj cantota cantaichij.
Paica tucuitami sumajta rurashca.
Jatun Diosmari ñucanchijtaca quishpichin.
Tucui imatapish
cashcata rurajmi.

(CORO)

Cushilla

Jehovata cantaichij.

Paimari

ñucanchijta mandaj.

2. Jehová Diostaca salmocunahuan cantaichij.
Paipaj shutitaca alli nichigari.
Flautacunapi arpacunapi tocashpa
mushuj cantotaca
sumajta cantaichij.

(CORO)

3. Urcucunapish tucui tiyashcacunapish
Jatun mandajtaca sinchita cantaichij.
Yacucunapi imalla causajcunapish
Tucuita rurajta
tandalla alabaichij.

(CORO)

63 *Testigo de Jehovacunami canchij*

(Isaías 43:10-12)

1. Achca gentecunami
imapaj mana valij
yanga dioscunata
adorancuna.
Tucui chai dioscunaca
imalla tucunata
mana yachai tucuncunachu.
Huañushcacuna shinami.

(CORO)

*Causaj Jehová Diosmanta
huillajcunami canchij.
Ñucanchij Diosca pai nishcata
tucuitami pajtachin.*

2. Mana manchashpamari
Yaya Diospaj shutita
muyundij Allpapi
huillacushunlla.
Diosmanta yachashpaca
alli gentecunaca
shungumantami ñucanchijhuan
cushilla cantangacuna.

(CORO)

3. Diosmanta huillashpami
paita jatunyachishun.
P'iñajcunamanpish
yachachishunmi.
Paicuna cambiajpica
Diosca perdonangami.
Paraisopi cushillami
huiñaita causangacuna.

(CORO)

64 *Cushicuihuan cozichashunchij*

(Mateo 13:1-23)

1. Cozichana tiempopimari
ñucanchijca causacunchij.
Cai trabajota ruranaca
achca cushicuitami cun.
Jesusmi cai trabajotaca
ñaupajman alli pushacun.
Pai ñucanchijhuan cashcamantaca
cushicuihuan huillashunchij.
2. Diostapish gentecunata
shungumantami c'uyanchij.
Chaimantami Diospaj Shimita
cushicuihuan yachachinchij.
Jehová Diospaj jatun punllaca
ñallamari chayamugrin.
Mana shaicushpami cada punlla
utca yachachina canchij.

*¡Sinchiyashpa
ñaupajman catishunchij!*
(Hebreos 6:1)

1. Sinchiyashpa ñaupajman catishunchij.
Brillaj luz shina Diosmanta yachachishunchij.
Tucui shunguhuan Jehovapi confiashpa
huillashpa catishunchij.
Jesús shina Dios mingashcata
cushilla alli rurashunchij.
Chaimi Diosca ñucanchijta tucuiipi
ayudashpa catinga.
2. Sinchiyashpa ñaupajman catishunchij.
Tucui ladocunapimi huillana canchij.
Huasin huasin rishpa Diospaj Shimita
huillashpa catishunchij.
Ñucanchijta p'iñajcunaca
jarcanatami munancuna.
Jehová Dios ñucanchijhuan cashcamanta
ama manchashunchijchu.

3. Sinchiyashpa ñaupajman catishunchij.
Ashtahuan alli yachachijcuna cashunchij.
Paipaj espirituhuan ayudachun
Diosta mañarashunchij.
Alli shungu gentecunata
visitashpa catirashunchij.
Paicunapish Jehová Diosta sirvishpa
quishpiri tucungami.

66 *Alli huillaicunata huillashunchij*

(Apocalipsis 14:6, 7)

1. Unitami Jehová churashca Mandana
ima cashcataca mana yacharcanchij.
Cunanca chai Mandana ima cashcata
Jehová Dios huillajpimari ña yachanchij.
Pai churashca Mandanapi mandachunca
Diosmi Jesucristota
agllashpa churarca.
Diosmi ashalla ovejacunatapish
Jesuspaj novia shina cachun agllarca.
2. Cai tiempopimi Diosca tucui Allpapi
cushichij alli huillaita huillachun nin.
Humilde gentecunata mashcachunmi
angelcunapish ñucanchijta ayudan.
Tucuita ruraj Jatun Diospaj shutita
huillashpa purinaca
yallitaj sumajmi.
Paimanta tucui shunguhuan cushicushpa
yachachinata ama saquishunchijchu.

67 *Diospaj Shimita huillashunchij*

(2 Timoteo 4:2)

1. Jehová Dios mingashcataca
cushillami pajtachina canchij.
Paimanta yachachingapajca
utcami allichirina canchij.

(CORO)

Tucuicuna

*Jehová Diospaj Shimita
uyachun,*

utca yachachishunchij.

Ñallami

*jatun llaqui punllaca
shamugrin,
huillashunchij.*

2. Mana^halli gentecunaca
p'iñarishpami jarcasha ninga.
Chashnapish Diospi confiashpami
huillanataca mana saquishun.

(CORO)

3. Diosmanta yachanatami
huaquincunaca munangacuna.
Paicunaman yachachishpaca
Jehová Diostami jatunyachishun.

(CORO)

68 *Muyuta tarpuj shina huillashunchij*

(Mateo 13:4-8)

1. Ñucanchij Jesús mandashcata
shungumanta cazushunchij.
Dios churashca Mandanamanta
yachachishpa catishunchij.
Muyuta allpapi tarpuj shina
sinchita trabajashunchij.
Humilde shungupi urmaj muyuca
alli granota p'ucungami.
2. Jehová Diosta tucui shunguhan
c'uyachun yachachishunchij.
Llaquicunata ahuantachun
c'uyaihuan ayudashunchij.
Sumajta cuidashpa catijpimi
muyuca alli huiñanga.
Paicuna punllanta Diosta sirvijpi
cushillamari sintirishun.

69 *Dios churashca Mandanamanta huillashunchij* (2 Timoteo 4:5)

1. Tucui ladocunaman rishpa
huillashpa catishunchij.
Dios churashca Mandanamanta
cushilla huillashunchij.
Tucuita ruraj Jehová Diosta
sirvinaca sumajmari.
Diospaj shutita rijsichishpa
paita jatunyachishunchij.

(CORO)

*¡Huillashunchij! Jehová Dios churashca
Mandanamanta.
¡Cushicuihuan! Diosta huiñaicama
alabashunchij.*

2. Shujtaj ovejacunatapish
ungidocunatapish
Jehová Diosmi tucuicunaman
huillachun ayudacun.
Ñallami Diospaj Mandanaca
cushilla causaita cunga.
Chaicamaca mana manchashpa
yachachishpa catishunchij.

(CORO)

70 *Yachasha nijcunata mashcashunchij*

(Mateo 10:11-15)

1. Jesusca ima shina huillanata
cashna nishpami mandarca:
“Mai llajtapi alli huillaicunata
chasquisha nijtaca mashcaichij.
Huasiyujta cushilla saludaichij.
Chasquiipi huillashpa catichij.
Pai mana uyanata munajpica
chaquita chaspishpa richijlla”.
2. Ñucanchijta alli chasquiicunaca
Jesustami chasquincuna.
Jehová Diosta cazusha nijcunaca
huiñai causaita charingami.
Huillacushpa ama manchashunchijchu.
Diosllataj yuyaita cungami.
Sumaj shimicunahuan parlajpica
humildecuna uyangami.

*¡Jhová Diospaj
soldadocunami canchij!*
(Efesios 6:11-14)

1. Diospaj soldadocuna
shinami canchij.
Ñucanchij Rey Jesusmi
ñaupajman pushacun.
Satanás jarcajpipish
tucui shunguhuan
mana manchashpami
huillacushunlla.

(CORO)

*Diospaj soldadocuna
utca huillaichij:
'Rey Jesusca ñami
mandacun' nishpa.*

2. Jehovata sirvijcuna
cashcamantami
llaquilla cajcunaman
utca huillacunchij.
Diospaj Shimimantapish
yachachicunchij.
Tandanacuimanpish
invitanchijmi.

(CORO)

3. Diospaj soldadocuna
cashcamantami
Diablota mishangapaj
allichirishcanchij.
Ima peligrocuna
ricurijpipish
atento cashpami
mana urmashun.

(CORO)

Dios churashca
Mandanamantami huillasha
(Hechos 20:20, 21)

1. Mana llulla yachaicuna
luz shinami achijyachin.
Jhovami ñucataca
amsamanta llujshichirca.
Diosta alli rijsishpami
paita sirvisha nircani.
Jhovapaj shutitami
cushilla huillai callarircani.
Dios churashca Mandanaca
tucuitami allichinga.
Chaicamaca cushillami
huasin huasin yachachisha.
Chashnamari amsamanta
llujshimuchun ayudasha.
Yaya Dios 'caicamalla
huillaichij' ningacama huillasha.

73 *Ama manchangapaj ayudahuai* (Hechos 4:29)

1. Jehová Dios cambaj shutita
huillanaman rijpica
millaita rurajcunami
ñucanchijta manchachin.
Paicuna p'iñajpipish
canmantami yachachinchij.
Canta tucupi cazungapaj
ayudashpa catipangui.

(CORO)

*Canmanta mana manchashpa
huillashpa catingapaj
ñucanchijman Jehová Dioslla
fuerzata cuhuayari.
Quiquinpaj jatun punllaca
ñallamari chayamugin.
Gentecuna quishpirichun
huillashunchij.*

2. Ñucanchijta Ilaquichijta
ricuhuayari Jehová.
Millaicuna mishachunca
amataj saquipaichu.
Ñucanchijta tucuiipi
alli cuidahuai Jehová Dios.
Cambaj shutita huillangapaj
ayudachunmi mañanchij.

(*CORO*)

74 *Dios churashca Mandanamanta cantanaman shamupaichij* (Salmo 98:1)

1. Shamupaichij, cai sumaj cantohuanca
Jehová Diosta jatunyachishunchij.
Dios churashca Mandanamantamari
cai alhaja cantopica parlan.

(CORO)

Jehová Diosca jatunmari.

Cushicuihuan cantashunchij.

Rey Jesuspish ñucanchij mandajmari.

Cai cantota yachashunchigari.

2. Rey Jesusca sumaj causaitamari
apamunga nishpa cantashunchij.
Paihuan ñalla mandagriycunapishmi
cushicushpa ñucanchijhuan cantan.

(CORO)

3. Diosta c'uyaj, alli shungucunami
cai cantota yachai tucunguichij.
Ñucanchijhuan tandalla cantanaman
tucuicuna utca shamupaichij.

(CORO)

75 “¡Caipimi cani, ñucata cachahuai!”

(Isaías 6:8)

1. Diospaj santo shutitaca
gentecunaca p'iñanmi.
Llaquichij Dios nishpamari
paitaca juchachincuna.
¿Diospaj santo shutitaca
pitaj difindingayari?

(CORO 1)

*Caipimi cani Jehová Dios,
ñucata cachahuayari.
Cambaj shutita huillanaca
yallitaj sumajmari.*

2. Rumi shungucunacarin
'Diosca uniyani' ninmi.
Falso dioscunatapishmi
adorashpa causancuna.
¿Diospaj jatun punllamanta
pitaj advertingayari?

(CORO 2)

*Caipimi cani Jehová Dios,
ñucata cachahuayari.
Paicunata advertinaman
ñucami risha nini.*

3. Millaicuna mirajpimi
allicunaca llaquirin.
Cushilla causangapajmi
Yaya Diosta mashcancuna.
¿Diospaj Shimita huillashpa
pitaj cushichingayari?

(CORO 3)

*Caipimi cani Jehová Dios,
ñucata cachahuayari.
Ñucamari paicunataca
cushichigrisha nini.*

76 *Cushicushpa huillashunchij* (Hebreos 13:15)

1. ¿Huillanaman rijpi,
gentecuna uyajpi
shunguman chayaspaca
cushicushcanguichu?
Can tucui shunguhuan
huillanaman rijpica
Diosmi fuerzata cushpa
canta ayudanga.

(CORO)

*Shungumanta huillashpaca
cushillami sintirinchij.
Huillanataca manataj
saquisha ninchijchu.*

2. ¿Alli gentecuna
Yaya Diospaj Shimita
cushilla uyajpica
cushicushcanguichu?
Huaquin gentecuna
manataj uyajpipish
Diosmanta huillanata
ama saquinguichu.

(CORO)

3. ¿Canman mingashcata
Jehovapaj ayudahuan
alli pajtachishpaca
cushicushcanguichu?
Cushicushpamari
canca huillana cangui.
Tucurina punllaca
ñamari shamucun.

(CORO)

Ñami pacaricun (2 Corintios 4:6)

1. Cai pacha amsa cajpipish
ñami pacaricun.
Achijlla punlla cajpica
cushicushunmari.

(CORO)

*Cambaj Shimillami
luz shina ñucanchijta
achijyachin Jehová.
Llaquipish nanaipish
ñallami tucuringa.
Pagui Jehová.*

2. Ñamari pacarimucun
utca rijchachishun.
Punllaca quichquiyamunmi
c'uyaihuan huillashun.

(CORO)

78 *Diospaj Shimita yachachishunchij* (Hechos 18:11)

1. Diosmanta yachachishpaca
cushillami canchij.
Jesús mandashca shinami
yachachina canchij.
C'uyaihuan yachachijpica
humildecunaca
Jehovapajman c'uchuyashpami
cushicungacuna.
2. Alli yachachingapajca
ñucanchijllatajmi
cada punlla Bibliamanta
yachacuna canchij.
Ñucanchij tucui shunguhuan
Diosta cazujpica
paicunapish Jehová Diostami
alabangacuna.
3. Alli shunguyujcunaman
yachachingapajca
Jehová Diospaj ayudata
mañanami canchij.
Paipaj mandashcacunaca
achca valishcami.
Shungumanta yachachijpica
Diosmi bendicianga.

79 *Canta c'uyajcunata sinchiyachipai* (Mateo 28:19, 20)

1. C'uyaj Dios humildecunaca
cantami mashcancuna.
Paicuna canta sirvijpimi
cushilla sintirinchi.

(CORO)

*Canta c'uyajcunamanca
fuerzata cupai Yaya Dios.
Paicunata bendiciachun, cuidachunmi
Jehová Dios mañacunchij.*

2. Paicuna canta c'uyachunmi
llaquishpa cuidarcanchij.
Pitapish ama manchachunmi
punllanta mañacunchij.

(CORO)

3. Paicuna canllapi crinata
amataj cungarichun.
Tucuipi canta cazushpaca
manataj huañungachu.

(CORO)

*Jehová alli shungu
cashcata ricuichigari*
(Salmo 34:8)

1. Jehová Diosta sirvishpaca
cushillami sintirinchij.
Maipi cashpapish Diospaj Shimita
yachachishpami purinchij.

(CORO)

*Yaya Jehová Dios alli cajta
cancunataj ricuichij.
Mana shaicushpa sirvijpica
paica bendiciangami.*

2. Diosta tucui punllacuna
cushicushpa sirvijpica
paica imalla minishtishcata
cushpami siempre cuidanga.

(CORO)

81 *Precursorcunapaj causai* (Eclesiastés 11:6)

1. Cantami punllanta mañani Jehová Dios.

Utca jatarishpa

mana shaicushpami huillasha.

Canmanta ashalla uyasha nijpipish

cushicushpamari

huillashpa catisha Yaya Dios.

(CORO)

Canta sirvishpaca

cushicunimari.

Mana shaicushpami huillasha.

Intipish tamyapish

mana jarcangachu.

Cantamari cazusha nini Jehová Dios.

2. Chishita cushilla huasiman tigrani.

Cambaj fuerzahuanmi

cunanca huillashpa shamuni.

Precursor cashpaca cushillami cani.

Punllantami ñucata

bendiciashcangui pagui Dios.

(CORO)

82 *Luz shina achijyachishunchij* (Mateo 5:16)

1. Quishpichij Jesusca
cashnami nirca:
Luz shina cancuna
achijyachichij.
Diospaj Shimimanta
yachachishpami
chai alhaja luztaca
achijyachinchij.
2. Tucui gentecuna
alli huillaita
cushilla uyachun
yachachishunchij.
Llaquilla cajpipish
cushichijpimi
paicunaca[^]amsamanta
llujshingacuna.
3. Alli causashpaca
luz shinamari
cai millai mundopi
achijyachishun.
Chaimi Jehová Diosca
ñucanchijtaca
c'uyaihuan ayudashpa
alli cuidanga.

83 *Huasin huasin huillashunchij* (Hechos 20:20)

1. Huasin huasin purishpami
huillagrina canchij.
Diospaj churi Jesusmari
mandacun nishunchij.
Cai tiempopi Jehová Diospaj
ovejacunata
pueblpipish urcupipish
utca mashcashunchij.
2. Huasin huasin Jehovamanta
huillashunchigari.
Huaquincunaca uyasha
ningacunamari.
Shujtajcunaca manataj
uyasha ningachu.
Pero Diospaj shutitaca
huillacushunllami.
3. Gentecuna quishpirichun
huillashunchigari.
Jatun Diospaj shutitami
rijsichina canchij.
¿Ima shinataj yachanga
mana huillajpica?
Chaimanta tucui shunguhuan
utca huillashunchij.

84 *Diosta ashtahuan sirvishunchij*

(Mateo 9:37, 38)

1. Jehová Diospaj llajtapica
ayudami minishtirin.
Ñucanchijca cushillami
trabajashpa ayudashun.

(CORO)

*Jhovapaj cushilla
trabajashunchij.*

*C'uyashcamantami Yaya Dios
canta sirvishun.*

2. Ayudachun mañajpica
cushillami ayudashun.
Chashnamari Yaya Diosta
c'uyashcata ricuchishun.

(CORO)

3. Jehová Diospaj huasitaca
cushicushpa rurashunchij.
Shujtaj shimita yachashpa
Diosta ashtahuan sirvishunchij.

(CORO)

85 *Caishujmanta chaishujmanta
cushilla chasquinacuichij*
(Romanos 15:7)

1. Diosta uyasha nijcunataca
 cushilla alli chasquishunchij.
 Tucuicunami Diospaj Shimita
 alli yachashpa cushilla causai tucun.

2. Huauquicunapish panicunapish
 shuj familia shinami canchij.
 Yayitu Diosta pagui nishpami
 paicunamanca c'uyaita ricuchinchij.

3. Diosca paimanta yachachunmari
 tucuicunata invitacun.
 Chaimantamari tucui shunguhuan
 caishuj chaishuj cushilla chasquinacunchij.

Jehová Dios
yachachichunmi minishtinchij
(Isaías 50:4; 54:13)

1. Jehová Diosca yacunaihuan cajcunaca
shamuichij nishpami invitacun.
Ñucamanta allí yachashpamari
mana yacunachinguichij ninmi.
2. Tandanacuiipi Diosmanta yachashpami
caishuj chaishuj animanacunchij.
Tandanacuiman purinataca
nunca amataj saquishunchijchu.
3. Tucui shunguhuan Jehovata cantashpami
tandalla, cushilla sintirinchij.
Allí yachachij Jehová Diostaca
huiñai huiñaita pagui nishunchij.

*Tandanacuicunapimi
animota chasquinchij*
(Hebreos 10:24, 25)

1. Cai tiempopi causaj gentecunaca
Diospi mana crincunachu.
Cashnapish cushilla causanataca
mana pudishcacunachu.
Jehová Diospaj ñanpi purishpallami
cushilla alli causashun.
Tandanacuicunaman shamushpaca
Diospimi ashtahuan crishun.
Caishuj chaishuj animarinacushpa
cushillami sintirishun.
Tandanacuicunaman shamunata
amataj saquishunchijchu.
2. Ñucanchij ima minishtishcatami
Jehová Diosca alli rijsin.
Chaimi tandanacupi yachachichun
pushajcunata churashca.
Yaya Diosta ashtahuan sirvichunmi
paicunaca animanga.
Huauqui panicunapish ñucanchijman
c'uyaita ricuchingami.
Ñallami huiñai huiñaita causashun.
Ama shaicurishunchijchu.
Tandanacuicunaman shamungapaj
tiempota surcupashunchij.

*Mandaj Dios
cambaj ñanta rijsichihuai*
(Salmo 25:4)

1. Canmanta cushilla yachangapajmi
shamushcani c'uyashca Dioslla.
Cambaj Shimica ñuca purinata
achijyachij luz shinamari.

(CORO)

*Cambaj ñanta rijsichihuayari.
Ñuca yuyaita churashamari.
Tutai punlla cambaj mandashcata
cazungapaj yachachihuai Jehová.*

2. Canmari tucuita yachangui Jehová.
Pi mana igualai tucunchu.
Cambaj Shimica ñucanchijcunaman
causaita cuj yacu shinami.

(CORO)

Diosca paita uyashpa cazujcunataca bendiciangami

(Lucas 11:28)

1. Jesús yachachishcata uyashpami
causaiman pushaj ñanpi purishun.
Tucui shunguhuan paita cazujpica
Diosca achcata bendiciangami.

(CORO)

*Jehová Diospaj munaita
alli pajtachishunchij.*

*Paita uyashpa cazujcunaca
cushillami causanga.*

2. Rumi jahuapi rurashca huasica
huaira huajtajpi mana urmanchu.
Tucui causaipi Jehovata cazujpish
llaquicunata ahuantangami.

(CORO)

3. Yacu c'uchupi caj yuracunaca
alli granushpa mana chaquinchu.
Dios mandashcata alli pajtachijpish
huiñai causaita charingamari.

(CORO)

90 *Caishujmanta chaishujmanta animarishunchij* (Hebreos 10:24, 25)

1. Jehovata alli sirvingapaj
animarinami canchij.
Chashnami huauqui panipura
tandalla cushi causashun.
Paicunahuan cashpallamari
imata mana manchashun.
Sumajta apanacushpami
llaquicunata mishashun.
2. Cushichij alhaja shimica
shunguta jambij shinami.
Llaquicunata charijpica
paicunami ayudanga.
Jhová Diosta c'uyajcunahuan
trabajanaca sumajmi.
Caishuj chaishuj animarishpa
ama saquirishunchijchu.
3. Diospaj jatun llaqui punllaca
ñamari c'uchuyamucun.
Tandanacuiman rinataca
amataj saquishunchijchu.
C'uyaita ricuchishpamari
sumajta alli causashun.
Diostaca huiñai huiñaitami
jatunyachishpa catishun.

*Cambaj huasita
shayachinaca sumajmi*
(Salmo 127:1)

1. Cunan punlla Jehová Dios
achcatami cushicunchij.
Cai sumaj huasita cambajmi
shayachishcanchij.
Caipica cushillami
canta adorashun Yaya Dios.
Fuerzata cushpami achcata
bendiciarcangui.

(CORO)

*Yayitu Dios cambaj huasita
shayachinaca sumajmi.
C'uyashca Dios cada punllami
pagui nishpa shungumanta alabashun.*

2. Caishuj chaishuj cushilla
shuj yuyailla tucushpami
ayudanacushpa, sumajta
trabajarcanchij.
Amigocunataca
manataj cungarishunchu.
Jehová Dios cantami tandalla
jatunyachishun.

(CORO)

92 *Cai huasica cambaj shutitami charin* (1 Crónicas 29:16)

1. Jehová Dioslla cai huasitaca
cambajmi shayachircanchij.
Cai sumaj alhaja huasica
cambaj shutitami charin.
Canmantamari Yaya Dioslla
alli rurai pudishcanchij.
Chaimantami tucui shunguhuan
achcata pagui nipanchij.

(CORO)

*Yayitu Dios cai huasita
cushicushpa chasquipai.
Canta adorangapajmi
rurarcanchij c'uyaj Dios.*

2. Alli shungu gentecunaca
cai huasimanmi shamunga.
Canmanta alli yachashpami
canta alabangacuna.
Jehová Dios cambaj huasitaca
siempremi alli cuidashun.
Chaimi shujtajcuna ricushpa
canta alli ningacuna.

(CORO)

93 Ñucanchij tandanacuita bendiciahuai (Hebreos 10:24, 25)

1. Ñucanchij tandanacuita
bendiciahuai Jehová Dios.
Quiquinpaj espirituta
ñucanchijman cuhuailla.
2. Cambaj yachachishcacuna
shunguman chayachunpish,
alli huillangapajpishmi
ayudata mañanchij.
3. Canca tucuimanta yalli
Jatun Mandajmi cangui.
Shuj yuyailla cushillami
canta alabanchij Jehová.

94 *Cambaj Shimita cushcamanta pagui Jehová* (Filipenses 2:16)

1. Jehová achcatami agradicini.
Cambaj sumaj Shimita cushcamanta.
Canllataj quillcachishca
yuyaicunamari.
Ñuca purinata achijyachijmi.
2. Yayitu Dios cambaj shimicunaca
ñuca shungu ucucamami chayan.
Cashcata rurachunmi
alli ñanta pushan.
Cushi causachunmi ñucata ayudan.
3. Canta sirvjcuna llaquicunata
ahuantashcatami Bibliaca huillan.
Paicuna shinamari
ñaupajman catisha.
Tucui shungumanta pagui Jehová Dios.

*Jhová Diosmi
punllanta achijyachicun
(Proverbios 4:18)*

1. Ñaupá tiempo Diosta sirvijcunaca
profetacuna huillajpimi
Mesías shamushpa tucuicunata
quishpichichun shuyarcacuna.
Chai punllaca ñamari chayamushca.
Jesusca ñami mandacun.
Amsamanta paimari llujshichirca.
Chaimantami cushilla canchij.

(CORO)

*Jhová yachachishcacunaca
luz shinami achijyachin.
Punllanta paimanta yachashpa
alli ñanpi purishunchij.*

2. Jesusca cunan punllacunapica
‘alli cazuj sirvijtamari’
ñucanchijman yachachishpa catichun,
ñaupajman pushachun mingashca.
Paicuna achijta yachachijpimi
alli ñanpi puricunchij.
Tucuita achijyachij Yaya Diosta
shungumanta pagui nishunchij.

(CORO)

*Bibliaca Dios cushca
valishca regalomi*
(Proverbios 2:1, 4)

1. Diosmi Bibliata ñucanchijman cushca.
Valishca regalo shinamari.
Chaipimi Jatun Mandaj Jehová Diosca
tucuita yachaj cashcata huillan.
Bibliapi tiyaj mandashcacunami
ñucanchij causaita achijyachin.
Paipaj yuyaicunata quillcachunmi
huaquin c'aricunata agllarca.

2. Bibliapimi Jehová paipaj poderhuan
tucuita rurashcata huillacun.
Q'ui-paca jatun tucushca angelmi
Diosca mana^alli mandajchu nirca.
Adanpish mana cazushcamantaca
juchayuj tucushpami huañurca.
Tucuicunami paimanta huañunchij.
Shinapish Diosca quishpichingami.

3. Jesusca ñami cielopi mandacun,
chaimantamari cushilla canchij.
Sumaj causaita Dios cusha nishcata
gentecunaman yachachishunchij.
Alli huillaicuna tiyashcatami
Diospaj Shimipi yachai tucunchij.
Cada punlla yacuta ubyaj shina
leyinata ama saquishunchij.

97 *‘Dios rimashca Shimihuanmi
huiñaita causashun’*
(Mateo 4:4)

1. Jehová Diospaj Shimitami
 punllanta leyisha.
 Paipaj consejocunami
 ñucataca ayudan.
 Shamuj punllacunapipish
 cushimi causasha.

(CORO)

*‘Mana micunallahuanchu
causashpa catishun.
Dios rimashca Shimihuanmi
huiñaita causashun’.*

2. Bibliapi nishca shinaca
 mana manchashpami
 allita rurajcunaca
 Jehová Diospi crirca.
 Paicunata catishpami
 allita rurashun.

(CORO)

3. Dios mandashcacunataca
yuyarishpamari
ñuca shungu ucupica
alli huaquichisha.
Llaquicuna shamujpipish
ch'imbapurashami.

(CORO)

98 *Bibliataca Diosmi quillcachirca*

(2 Timoteo 3:16, 17)

1. Bibliaca luz shinamari
amsapi achijyachin.
Bibliamanta yachashpaca
amsamantami llujshishun.
2. Jehovapaj yuyaicunami
Bibliapica tiyacun.
Pai nishcata cazushpaca
cushillamari causashun.
3. Jehová c'uyaj cashcatapish
Bibliapimi yachachin.
Cada punlla leyishpaca
paipaj ñanpimi purishun.

Huaranga huaranga
Diosta sirviycuna
(Apocalipsis 7:9, 10)

1. Achca huarangacunami
 maimanta cashpapish
 Diosta adorangapaj
 tandanacuncuna.
Paicunaca yallitaj
 achcacunamari.
Cada punlla mirarishpami
 Diosta sirvincuna.
2. Achca huarangacunami
 tucui shungumanta
 alli huillaicunata
 yachachicuncuna.
Jesús fuerzata cushpa
 ayudajpimari
paicunaca mana shaicushpa
 huillashpa caticun.
3. Achca huarangacunami
 punllapish tutapish
 Diospaj huasi patiopi
 cushilla sirvicun.
Tucuita ruraj Diosta
 apoyashpamari
pai churashca Mandanamanta
 yachachicuncuna.

*Shujtajcunata
alli chasquishunchij*
(Hechos 17:7)

1. Jehová Diosca tucui gentecunata
Ilaquishcamantami punllanta cuidan.
Intita huairata
yacuta cushpami
ñucanchij shunguta cushichin.
Jehová Dios shinallataj ñucanchijpish
huajchacunataca ayudashunchij.
Chashna rurajpica
Diosca ashtahuanmi
ñucanchijtaca bendicianga.

2. Shujtajcunata alli chasquishpami
achcata c'uyashcata ricuchishun.
Tucui shungumanta
ayudashpamari
ñucanchijpish cushilla cashun.
Lidia huarmi shina shujtajcunata
ñucanchij huasipi puzachishunchij.
Diospaj ñaupajpica
chaica valishcami,
paica mana cungaringachu.

101 *Tandalla Diosta sirvishunchij* (Efesios 4:3)

1. Diospaj pueblo ucupica
caishujmanta chaishujmanta
ayudanacushpamari
sumajta causanchij.
Chashna causashpami
cushilla canchij.
Diablota cazujcunaca
p'iñanacushpami causan.
Ñucanchijca tandallami
Jehovata cazunchij.
2. C'uyaita ricuchishpaca
shujlla shinamari cashun.
P'iñanacuna yuyaita
mana charishunchu.
Tandalla cashpami
cushi causashun.
Ama ch'icanyaringapaj
Yaya Diostami mañashun.
Paitami huiñai huiñaita
tandalla sirvishun.

102 Fuerza illajcunata ayudashunchij (Hechos 20:35)

1. Tucui gentecunami
juchayuj canchij.
Shinapish Ilaquij Diosca
mana saquinchu.
Paica tucuipimi
c'uyaihuan cuidacun.
Ñucanchijpish c'uyaita
ricuchishunchij.
2. Fuerza illajcunata
Ilaquishcamanta
Bibliahuan ayudashpa
animashunchij.
Shaicushcacunata
sinchiyachishunchij.
Chaimi Diosta sirvishpa
catingacuna.
3. Llaquilla cajcunata
mana saquishpa
sumaj shimicunahuan
cushichishunchij.
Pandarishcallapi
ama yuyashunchij.
Paicunamanta ama
caruyashunchij.

*Michijcunaca Dios
cushca regalomi*
(Efesios 4:8)

1. Michijcunaca Jehová cushca
sumaj regalomi.
Paicunamari ñucapajca
alli ejemplo can.

(CORO)

*Alli michij huauquicunaca
shungumantami cuidan.
Paicunata respetashpami
c'uyaita ricuchisha.*

2. Shungu p'aquirishca cajpica
michijcunamari
ñucataca Diospaj Shimihuan
achcata cushichin.

(CORO)

3. Michijcunata uyashpaca
allimi causasha.
Paicunata respetajpimi
Diosca bendicianga.

(CORO)

Espíritu santoca
Dios cushca regalomi
(Lucas 11:13)

1. Yayitu Dioslla ñuca shunguta
quiquinca allimi rijsingui.
Llaquicunahuan huañucunimi,
cushichihuayari c'uyaj Dioslla.
2. Juchayuj runa cashcamantami
imapipish pandarinilla.
Alli ñanllapi catingapajmi
cambaj espirituta mañani.
3. Ñuca llaquilla puricujpica
cambaj podermi sinchiyachin.
Chaimi jahuata rij anga shina
mana shaicushpa canta sirvisha.

1. Jehová Diosca c'uyajmari.
 Chaimantamari paica:
 ‘Ñucata, projimotapish
 c'uyaichij’ nishpa mandan.
 Pai mandashcata punllanta
 alli pajtachishpaca
 cunanpish shamuj punllapish
 cushillami causashun.
2. Ñucanchij cosascunata
 tucuita chaupishpapish
 c'uyaihuan mana cushpaca
 ima mana canchijchu.
 Shungumanta c'uyashpaca
 mana envidiashunchu.
 Ashtahuanpish Ilaquishpami
 ayudashpa catishun.
3. Shujtajcuna Ilaquichijpi
 ama resentirishpa
 ñucanchij Yaya Dios shina
 utca cungarishunchij.
 C'uyaita ricuchinata
 amataj saquishunchij.
 Chashnami c'uyaj Diostaca
 achcata cushichishun.

*Shungumanta
c'uyaita ricuchishunchij*
(1 Corintios 13:1-8)

1. Jehovata alli sirvishpapish
tucuita alli yachashpapish
c'uyaita mana charishpaca
imapaj mana valinchijchu.
C'uyaita ricuchingapajca
Jehovatami mañana canchij.
Ñucanchij ruraicunahuanmi
c'uyaita ricuchina canchij.
2. Tucui shunguhuan c'uyashpaca
ñucanchijta llaquichijpipish
yuyaipi mana charishunchu,
shungumantami perdonashun.
Shujtajcunata c'uyashpaca
paicunatami ayudashun.
C'uyaica tucuita yallimi,
nunca mana tucuringachu.

107 Jehová Diosmi c'uyanata yachachin

(1 Juan 4:19)

1. Diosca achcata c'uyashcamantami
Jesusta cacharca.
Shujlla Churita cushcamantamari
shungumanta cushicunchij.
Ñucanchijtaca juchacunamanta,
huañuimantapish Diosmi quishpichirca.
Chashna c'uyajca pi mana tiyanchu.
C'uyaj Diosmi, Ilaquij Diosmari.
2. Jehová Dios shina tucuicunatami
c'uyashun, Ilaquishun.
Yuyajcunata, huahuacunatapish
cushillami ayudashun.
Huaquicunata, panicunatapish
tucui shunguhuan c'uyashcamantami
Ilaquichijpipish perdonana canchij.
Chashnamari alli causashun.
3. Jehová Diostaca c'uyashcamantami
tandalla sirvishun.
Familia shina c'uyanacushpaca
cushillami sintirishun.
Diospaj Shimita alli yachashpami
tucuicunata ashtahuan c'uyashun.
Yaya Diostapish mana saquishunchu.
Paica c'uyaj, Ilaquij Diosmari.

*Jehová Diosca
tucuicunatami c'uyan*
(Isaías 55:1-3)

1. Jehová Dios canmari
tucuicunata c'uyangui.
Cambaj churi Jesustami
cai Allpaman cacharcangui.
Paimantami ñucanchijca
huiñai causaita charishun.

(CORO)

*Yacunaihuan cajcuna
Jehovapajman shamuichij.
Causaita kuj yacuta
cushilla ubyaichij.*

2. Jehová Dios canmari
c'uyaita ricuchishcangui.
Jesustami churashcangui
tucuicunata mandachun.
Cashnami cambaj munaita
ñalla tucui pajtachingui.

(CORO)

3. Jehová Dios canmari
c'uyanata yachachingui.
Chaimantami ñucanchijpish
humilde gentecunaman
cushicushpa yachachishun.
Paicunapish quishpirichun.

(CORO)

109 Shungumanta c'uyanacushunchij

(1 Pedro 1:22)

1. Huauqui panicunataca
shungumanta c'uyashunchij.
C'uyaita ricuchishpami
Diosta cushichishun.
Ñucanchijllapi yuyashpa
mana purinachu canchij.
Humildecuna cashpami
c'uyaihuan tratashun.

Amigocunataca
shungumantami animashun.
Llaquicunahuan cajpi
manataj saquishunchu.

Jesús yachachishca shina
shungumanta c'uyashpaca
mana pita p'iñashunchu.
Dios munashca shinami
shuj shinalla causashun.

1. ¡Ricuichigari! Jahua pachapica
 Jesusca ñami mandacun.
 Quishpirina punllami chayamucun.
 Cushicuihuan shuyashunchij.

(CORO)

*Jhová Dios cushicuita cujpimi
 fuerzata chari tucunchij.*

*Quishpirina punllamanta cushilla
 tucui shunguhuan huillashunchij.*

*Jhová Dios cushicuita cujpimi
 fuerzata chari tucunchij.*

*Alhaja causaita cugrishcamanta
 paita alabashunchigari.*

2. Yaya Diospi shunguta churashunchij.
 Paimi tucuipei cuidanga.
 Tucucuna sinchita caparishpa
 Mandaj Diosta alabashunchij.

(CORO)

*Diosta sirvicushcamanta
cushicushunchij*
(Mateo 5:12)

1. Ñuca shungu ucupimari
yallitaj cushilla cani.
Tucui laya gentecunami
Jehová Diosmanta yachacun.
Diospaj Shimita yachashpaca
achcatami cushicuni.
Chaipimi alli causanata
ñucamanca yachachicun.
Llaquicuna ricurijpipish
cushillami ahuantasha.
Jehová Diosmari ñucataca
mana saquishpa cuidanga.

(CORO)

*Jehová Diosmi ñucamanca
cushicuita cushpa ayudan.
Paica tucuita rurai tucujmi.
Ñucatapish llaquingami.*

2. Jehová Dios rurashcacunata
ricushpami cushicunchij.
Cielota, Allpata, yacuta
paimi tucuita rurashca.
Jesús mandacushcatamari
maipi cashpapish huillanchij.
Alli huillaicunatapishmi
tucuicunaman parlanchij.
Jehová munashca shinamari
ñalla sumajta causashun.
Chaipica tucuicunamari
huiñaita cushi causashun.

(CORO)

Jhová Diosca
sumaj causaita kujmi
 (Filipenses 4:9)

1. C'uyashca Jhová Dios
 espirituta cushpa
 ñucanchijta ayudahuai
 cushilla causangapaj.
 C'uyashcamantami
 Jesusta cacharcangui.
 Ñucanchijca paimantami
 canhuan alli tucunchij.

2. Jhová Dios canmari
 sumaj causaita cungui.
 Bibliamanta yachachishpa
 alli ñanta pushangui.
 Tucui llaquicuna
 tucuringacamaca
 ñucanchijta cuidahuangui,
 ama saquianguichu.

3. Canta sirvijcuna
 cai punllacunapica
 cielopipish Allpapipish
 tandallami causanchij.
 Macanacuicuna
 ñallami tucuringa.
 Can churashca Mandanami
 sumaj causaita cunga.

Sumaj causaica
Diosmantami shamun
(Juan 14:27)

1. Cushilla causaita cuj
Yayitu Diosca
macanacuicunata
tucuchingami.
Pai churashca rey Jesús
mandacujpimi
muyundij Allpapica
alli causashun.

2. P'iñanacuicunata
saquishcanchijmi.
Espadapish lanzapish
tucurishcami.
Llaquichishcacunata
cungarishunchij.
Perdonanacushpami
cushi causashun.

3. Tandalla causajpica
shujtajcunaca
Dios bendiciashcatami
ricungacuna.
Chashna causashpamari
shamuj punllapi
huiñaicama sumajta,
alli causashun.

1. Diosca paipaj shutita
ñallami jatunyachinga.
Chaita rurangapajmi
mana shaicushpa shuyacun.
C'uyaj cashcamantami
millai gentecunapish
paipajman tigramushpa
quishpirichun munan.
Pai mana p'iñarishpa
shuyashpa caticujpimi
achca[^]alli gentecuna
quishpiri tucungacuna.
2. Mana p'iñarishpami
cushi causaita charishun.
Ñucanchij shungupipish
tranquilomi sintirishun.
Shujtajcuna cushilla
causachunmi munashun.
Perdonanacushpami
sumajta causashun.
Jehová Diosta cushilla
sirvishpa catingapajca
paipaj espiritumi
ñucanchijta ayudanga.

115 *Jehová shuyacushcamanta
pagui nishunchij*
(2 Pedro 3:15)

1. Cashcata ruraj Jehová Dioslla
 canllami jatun Dios cangui.
 Cai pachapica yallitaj
 Ilaquicunami miracun.
 Pero ñallami Ilaquitaca
 tucuchingringui Yayitulla.

(CORO)

*Chaimantami c'uyashca Dios
tucui shunguhuan pagui ninchij.*

2. Cambajca huaranga huataca
 shuj punlla shinallami can.
 Millai ruraicunataca
 ñallamari tucuchingui.
 Juchayuj runa cutirichun
 munashpamari shuyacungui.

(CORO)

116 Llaquijcuna, c'uyajcuna cashunchij

(Efesios 4:32)

1. Tucuita ruraj Yaya Jehová Dios
Jatun Diosmi cangui.
Shina cashpapish ñucanchijtaca
c'uyanguimi, Ilaquinguimi.
2. Llaquicunahuan causajcunata
shaicushcacunata,
Jesucristoca Ilaquishpamari
c'uyaihuan ayudasha nin.
3. C'uyaj Jehovapish Jesucristopish
Ilaquijcunami can.
Paicuna laya shujtajcunata
Ilaquishpa ayudashunchij.

*Jehová shina c'uyaj,
Ilaquij cashunchij*
(2 Crónicas 6:41)

1. Jehová Dioslla quiquinllami
c'uyaj, Ilaquij Dios cangui.
Ñucanchijta Ilaquishpami
tucuipi cuidacungui.
Chaimantami quiquinllata
adorashpa causashun.
Punllantami shungumanta
cushicushpa sirvishun.
2. Jehová Dioslla quiquin shina
c'uyaj, Ilaquij cangapaj
quiquinpaj espirituta
cushpa ayudahuangui.
Chashnamari ñucanchijpish
c'uyaita ricuchishpa
tucuicuna quishpirichun
cada punlla huillashun.
3. Projimota ayudangapaj
imata rurajpipish
bendiciangui nishpamari
mañapanchij Jehová Dios.
Can shinami ñucanchijpish
familiaracunanamanpish
huauqui panicunanamanpish
c'uyaita ricuchishun.

118 “Ashtahuan crina yuyaita cuhuai”

(Lucas 17:5)

1. Juchayuj huacharishcamantamari
ñuca shunguca pandachisha nin.
Huaquinpica canpi crina yuyaica
mana tiyanchu c'uyashca Jehová.

(CORO)

*Canpi ashtahuan crishpa catingapaj
cada punlla ayudahuai Jehová.
Ñuca rimaihuan, ruraicunahuanmi
cantaca jatunyachisha nini.*

2. Jehová Dios can cusha nishcacunapi
crishpami cantaca cushichisha.
Chashnami Ilaquicuna shamujpipish
mana manchashpa causacushalla.

(CORO)

119 *Crishcacunata sinchiyachishunchij*

(Hebreos 10:38, 39)

1. Jehová Diospaj profetacunami
ñaupaca yachachij carca.
Cunan tiempopica Rey Jesusmi
ñucanchijman yachachin.

(CORO)

*¿Llaquicuna shamujpica
Diospi crishpa catinchijchu?
Tucui shunguhuan crijpica
ñucanchijta quishpichingamari.*

2. Jesús mandashcata cushillami
utca pajtachina canchij.
Muyundij Allpapi Jehovamanta
punllanta huillashunchij.

(CORO)

3. Crinaca barcota chariracuj
shuj jatun fierro shinami.
Llaquicuna ñapish japijpica
ahuantai pudishunmi.

(CORO)

*Jesús shina alli shungu,
humildes cashunchij*

(Mateo 11:28-30)

1. Tucuimanta yalli alli runaca
Jehová Diospaj churi Jesusmi carca.
Paita Mandaj cachun Dios agllajpipish
tucuiipimi humilde, alli carca.
2. Jesusca shaicushca gentecunata
Ilaquilla cajcunata cayashpami:
‘Ñucami cancunata samachisha,
cushichisha’ nishpami ayudarca.
3. Apunchij Jesusca: ‘Tucuicunami
huauquindijcuna canguichij’ nircami.
Humildes cajpica Jehová Diosmari
cai Allpapi huiñai causaita cunga.

121

*Millaita ruranamanta
jarcarishunchij*
(Romanos 7:14-25)

1. Juchayuj cashpami Jehová Dioslla
cazusha nishpapish pandarinilla.
Aicha munaita mishangapaj
ayudashcamanta pagui Dios.
2. Diablocata tucui punllacunami
ñucata tucui pandachisha nin.
Juchapi ama urmangapaj
cambaj fuerzata cuhuai Jehová.
3. Yayitu canllata cazushpami
cantaca huiñaita jatunyachisha.
Millaita mana rurashpami
cambaj shunguta cushichisha.

122 ¡Tucuri punllacama amataj shaicurishunchij! (1 Corintios 15:58, NM)

1. Llaquicunata ricushpamari
gentecunaca manchaihuan causan.
Pero quishpichij Jehová Diospimi
ñucanchijca confianchij.

(CORO)

*Tucuri punllacama
manataj shaicurishpa
Diosta shungumanta
alli sirvishunchij.*

2. Cada punllami p'iñaj Diabloc
trampacunata churashpa catin.
Millai ruraita p'iñashpamari
chaipi mana urmashun.

(CORO)

3. Jehová Diosllata adorashpami
paita c'uyashcata ricuchishun.
Diospaj punllaca chayamucunmi.
Paimanta huillashunchij.

(CORO)

*Diospaj organizacionta
tucuiپی cazushunchij*
(1 Corintios 14:33, NTQC, 1973)

1. Jehová Dios churashca Mandanamanta
tucui ladopimi huillana canchij.
Diosta cazushcata ricuchingapaj
shuj shinallamari huillana canchij.

(CORO)

*C'uyaj Diosmari tucuita cushpa
ñucanchijta cuidan.*

*Llaquij Diostaca mana saquishpa
tucuiپی cazushunchij.*

2. Diosca “alli cazuj” huauquicunata
ñaupajman pushachun churashcamari.
Paicunata siempre cazushpamari
Mandaj Jatun Diosta jatunyachishun.

(CORO)

*Diosta c'uyashcamanta
cazushunchij*
(Salmo 18:25)

1. Jehová Diosca c'uyaihuanmi
ñucanchijman yachachin.
Shungumanta cazushpami
paitaca cushichishun.
Paita cazujcunataca
mana cungarishcachu.
Yaya Diosta c'uyaimanta
punllanta sirvishunchij.
2. Caishujmanta chaishujmanta
ayudanacushunchij.
Llaquicuna ricurijpi
cushichinacushunchij.
Diosta sirvijcunapura
ñaupajman catishunchij.
C'uyaimanta tandallami
shuj shinalla causashun.
3. Pushajcuna yachachijpi
cushillami uyashun.
Ñucanchijta cunajpica
tucupimi cazushun.
Cushillami paicunata
ayudashpa catishun.
C'uyaimanta cazujpica
Diosca bendiciangami.

125 *Shujtajcunata Ilaquijcunaca cushicungami*

(Mateo 5:7)

1. Jehová Diosca ñucanchijta
Ilaquishcamantami cuidan.
Imata mana mitsashpa
punllantami tucuita cun.
Arrepintirijcunata
Ilaquishpamari perdonan.
Allpamanta cashcatapish
paica yuyaipimi charin.
2. Shujtajcuna Ilaquichijpi
Dios shina perdonashunchij.
Tucuita cungarishpaca
tranquilomi sintirishun.
Ñucanchij juchacunata
perdonachun mañajpica
Diospish Ilaquishcamantami
ñucanchijta perdonanga.
3. Shujtajcuna p'iñajpipish
c'uyaihuan ayudashunchij.
Pi mana ricucujpipish
shungumanta ayudashunchij.
Ilaquijcuna cashpamari
cushi causaita charishun.
Tucuita ricuj Diosmari
ñucanchijta bendicianga.

*Rijcharishca shina
chaparashpa causashunchij*
(1 Corintios 16:13)

1. Rijcharishca causashunchij.
Chaparashpa catishun.
Millaita mishangapajca
sinchimi cana canchij.
Ñucanchij crishcacunataca
maipi cashpapish huillashunchij.

(CORO)

*Cushicushpa, mana manchashpa
rijcharishca causashun.*

2. Jesucristo mandashcata
pajtachishpa catishun.
Ñucanchij ancianocuna
cunashcata uyashun.
'Alli cazuj, alli yuyaiyuj'
yachachishcata cazushunchij.

(CORO)

3. Contracuna jarcajpipish
huillashpami catishun.
Ñucanchijta p'iñajpipish
manataj manchashunchu.
Llaquicuna tucurinata
tucui shunguhuan huillashunchij.

(CORO)

*Can munashca shinami
causasha nini*
(2 Pedro 3:11)

1. ¿Ñucaman causaita cushcamantaca imata cushpataj pagashari Dioslla? Jehová Dios canta cazushcamantamari ñucata mana saquishpa cuidashcangui.

(SHUJTAJ TONO)

C'uyashcamantami canta sirvisha.

Tucuipimi canta cushichisha nini.

Can mandashcataca shungumantami

huiñai huiñaita cazusha nini.

Can munashca shina causacushcata

c'uyashca Yayitu ricuchihuayari.

Imapi ñuca cambiana cashcataca

can quillcachishca Shimipi ricuchihuai.

128 *Ahuantashpa catishunchij*

(Mateo 24:13)

1. Tucuri punllacunaca
quichquiyamucunmi.
Jehová Dios cusha nishcapi
shunguta churashunchij.
Punllanta chaipi yuyashpa
ahuantashpa catishun.
Chashnami Yaya Diosmanta
manataj caruyashun.
2. Llaquicunahuan cashpapish
Diosta c'uyashunchij.
Mana shaicushpa paimanta
huillashpa catishunchij.
Imata mana manchashpa
llaquita mishashunchij.
Jehová Diosmi ayudanga.
Manataj saquingachu.

3. Diosca paita cazujpica
mana cungangachu.
Huiñaita causachunmari
shutita yuyaringa.
Amataj shaicushunchijchu.
Rijcharishca cashunchij.
Chashna causashpallamari
Dioštaca cushichishun.

129 *Llaquicunata ahuantashpa
catishunchij*
(Mateo 24:13)

1. Cushillamari

Jesusca Diosta sirvirca.
Llaquichijpipish
ahuantashpami catirca.
Jesusta catishpa
ama shaicushunchij.

(CORO)

*Ñucanchij Diospimari
shunguta churanchij.
Pai c'uyaj cajpimari
tucuita ahuantashpa catinchij.*

2. Yuyajyajpica

Ilaquicunami ricurin.
Paraisopi
causanatami shuyanchij.
Ñallami huiñaita
cushilla causashun.

(CORO)

3. Llaquicunaca

ñallamari tucuringa.

Chai punllacama

ahuantashpa catishunchij.

Diosmanta amataj

caruyashunchijchu.

(CORO)

130 *Jehová shina perdonashunchij* (Salmo 86:5)

1. Juchayujcunata
perdonangapajmari
Yayitu Diosca Jesusta
cai Allpaman cacharca.
Ñucanchij pandarijpipish
arrepintirijpica
Jesuspaj yahuarmentami
Jehová Diosca perdonan.
2. Ñucanchij juchata
Jehová perdonachunca
caishujmanta chaishujmanta
perdonanacushunchij.
Shujtajcuna llaquichijpi
ama p'iñarishunchij.
Paicuna pandarishcata
ama yuyarishunchij.
3. Perdonaj canapish
c'uyaj, llaquij canapish
Yaya Diospaj ñaupajpica
achca valishcami can.
Paipaj alli ejemplota
tucuipi catishunchij.
Chashnami shujtajcunahuan
alli apanacushun.

131 *Jehová Diosmi tandachirca* (Mateo 19:5, 6)

1. Ari nishpamari
noviopish noviapish
caupushca huasca shina
Dioshuan shujlla tucun.

(CORO 1)

*Novioca tucuipimi
paita c'uyasha nin.
Pi ama separachun
Dios tandachishcata.*

2. Bibliapi nishcata
alli uyashpami
ari ninacushcata
pajtachingacuna.

(CORO 2)

*Noviaca tucuipimi
paita c'uyasha nin.
Pi ama separachun
Dios tandachishcata.*

132 Cunanca shuj aichallami tucunchij

(Génesis 2:23, 24)

1. Cai punllaca sumajmari.

Shuj aichallami tucushcanchij.

Cusa huarmi cashcamanta
cushillami canchij.

Jehová Diosmi tandachirca.

Ña mana ñucallachu cani.

Llaquicunahuan cashpapish
cushilla cashpapish

cantaca mana saquishachu.

Shungumantami
canta siempre cuidasha.

Ñuca tucui causaipimi

ari nishcata pajtachisha.

Shuj shinallami sirvishun
ñucanchij c'uyashca Diosta.

*Joven cashparaj
Diosta sirvishunchij*
(Eclesiastés 12:1)

1. Jehovata sirvij jovencunaca
achca valishcacunami canchij.
Tucui fuerzahuan Diosta sirvijpi
paica achcatami bendicianga.
2. Yaya mamata c'uyashpamari
tucui causaipi cazuna canchij.
Paicunamari alli causachun
ñucanchijtaca c'uyaihuan cuidan.
3. Joven cashparajmi Yaya Diosta
alli cazushpa causana canchij.
Cada punlla Diosta sirvishpaca
paipaj shungutami cushichishun.

Huahuacunaca
Dios cushca regalomi
(Salmo 127:3-5)

1. Huahuacunaca Dios cushca
achca valishca herenciamari.
Jhovami alli huiñachichun
yaya mamaman mingashca.
Millai mundopi cashcamanta
huiñachinaca sinchimari can.
Shinapish Diospaj Shimipimi
alli consejocuna tiyan.

(CORO)

*Jhová cushca huahuacunaca
sumaj regalo shinami.
Paicunaman Diospaj Shimita
punllanta yachachishunchij.*

2. Diospaj mandashcacunata
ñucanchijraj alli cazushunchij.
Huahuacunaman pacienciahuan
c'uyaihuan yachachishunchij.
Maipi cashpapist paicunaman
c'uyaihuan alli yachachijpimi
shungupi huaquichingacuna,
Jhovatapist cazungacuna.

(CORO)

*“Ñuca huahualla,
yachaisapa cayari”*
(Proverbios 27:11)

1. C'uyashca huahualla
ñucata cazuhuai.
Huambralla cashparaj
ñucata sirvihuai.
Ñucata p'iñajmi
cantaca ricucun.
Pai llulla cashcata
ricuchihuayari.

(CORO)

*Ñuca huahua uyahuayari.
Tucui shunguhuan sirvihuai.
Yachaisapa cashpallamari
ñucata cushichihuangui.*

2. Ñuca maquihuanmi
canta charirasha.
Urmashca cajpipish
jatarichishami.
Llaquilla cajpipish
cushichishamari.
C'uyashcamantami
manataj saquisha.

(CORO)

136 *Jehová Dios canta bendiciachun*

(Rut 2:12)

1. Jehovata shungumanta cazushpaca
cushillami sintirinchij.
Allita rurashpa puricujtaca
paica mana cungarinchu.
Jhovamanta tucuita saquiypica
paimi canta bendicianga.
Diospaj pueblopi cushi sirvishpami
huiñai huiñaita causangui.

(CORO)

*Cambaj alli ruraicunamanta
Yaya Dios bendiciashpa catichun.
Paipaj alaspí huaquichichun.
Paica c'uyajmari, canhuanmi canga.*

2. Huaquinpica sinchi llaquicunami
ñucanchijtaca huacachin.
Chaimanta shaicushca sintirishpami
mana ahuantai tucunchij.
Llaquilla cajpica Diosmi cantaca,
can mañashcata uyashpa
espíritu santohuan, Bibliahuanpish
cushichishpa ayudanga.

(CORO)

137 *Diosta cazuj, c'uyaj huarmicuna*

(Romanos 16:2, QC, 1989)

1. Sara, María, Ester, Ana, Rutpish...
Diosta sirvishpami causarcacuna.
Cai huarmicunapaj shuticunaca
Bibliapimari quillcashca tiyacun.
Paicunaca mana shaicushpami
Diosta shungumanta cazujcuna carca.
2. Cunan tiempopish alli shungu, c'uyaj,
Ilaquij, sinchi huarmicunami tiyan.
Chashna humilde huarmicunataca
shungumantami achcata c'uyanchij.
Ñucanchijpish paicuna shinami
shujtajcunataca Ilaquishpa causashun.
3. Mamacunapish ushushicunapish
Diosta sirvishpami caticunguichij.
Cancunaca Jehová Diospaj ñaupajpi
achca valishcacunami canguichij.
Pai tucuipei cuidashpa catichun,
huiñai causaitapish cancunaman cuchun.

*Yuyajllacunaca
valishcacunami can*
(Proverbios 20:29)

1. Yuyajllacunataca
c'uyanchijmari.
Tucui shunguhuanmari
Diospi crincuna.
Fuerza illaj cajpipish
yuyaj cajpipish
Diosca paicunataca
mana cunganchu.

(CORO)

*C'uyashca Yayitu
paicunataca
amataj saquichu.
Ayudapangui.*

2. Jehovapaj ñaupajpica
yuyajcunapaj
yurajlla ajchitaca
alhajami can.
Huambraraj cashpamari
tucui fuerzahuan
Jehová Diosta c'uyashpa
sirvishcacuna.

(CORO)

1. Paraíso Allpapimi

ñucapish canpish ñalla causashun.

Llaquicuna, ungüicuna,

mana ashtahuan tiyangachu.

Jhová Diospaj Mandanami

sumaj causaita apamunga.

Allicunallami chaipi causashun.

Cushicushpamari

sumajta cantashun.

(CORO)

C'uyashca Yaya, tucuitamari

Jesushuan mushujta rurashcangui.

Huiñai huiñaicama alli nishamari.

Tucui shunguhuanmi canta pagui nini.

2. Chaipi cani, chaipi cangui
mushuj Allpapimi causacunchij.
Nanaicuna, huacaicuna,
manchaipish ñami tucurishca.
Jehová Diosca pai nishcata
tucuitamari pajtachishca.
Huañushcacunapish causarishcami.
Paicunahuanmi
Diosta alabacunchij.

(CORO)

140 *Huiñai causaitami charishun* (Juan 3:16)

1. Allpapi sumaj causai
tiyanata yuyashun.
Llaquicuna, huacaipish
mana tiyangachu.

(CORO)

*Shungu ucumanta
cantashunchigari.
Ñallamari huiñaita
cushilla causashun.*

2. Chaipica tucuicuna
jovencunami cashun.
Nanaicuna, huañuipish
tucuringamari.

(CORO)

3. Manchaipish illangami.
Sumajtami causashun.
Punllantami Diostaca
cantashpa^ˆalabashun.

(CORO)

141 *Causaica Dios cushca regalomi* (Salmo 36:9)

1. Inti llujshijta, llullu huahuata,
sumaj sisacunata ricushpaca
cushillamari sintirinchi Dios.
Punllantami shungumanta pagui ninchij.

(CORO 1)

*Jehová canmantami causaica tiyan.
Causaita cushcamantaca c'uyashca Dioslla
¿imata cushpataj pagai tucushunri?
Tucui causaipimi canllata c'uyashun.*

2. Huaquincunaca Jehová Diostami
llaquicunamantaca culpancuna.
Chashna nijpipish ñucanchij Dioslla
canllatami shungumanta alabashun.

(CORO 2)

*Jehová canmantami causaica tiyan.
Causaita cushcamantaca c'uyashca Dioslla
¿imata cushpataj pagai tucushunri?
Shujtajcunatami c'uyashpa causashun.*

*Diospi shunguta
churashpa shuyashunchij*
(Hebreos 6:18, 19)

1. Tucuicunamari juchapi urmashca.
 Maijanpish mana quishpiri tucunchu.
 Llaquicunata allichisha nishpapist
 manamari pudishcacuna.

(CORO)

*Diosta cushicushpa cantashunchij.
 Jesustami ña mandachun churashca.
 Paimari sumaj causaita cunga.
 Jehová Diospi shunguta churashunchij.*

2. Paraisopi allita rurajcuna
 cushilla causacushcata yuyashun.
 Chaipi yuyashpami tucui shunguhuan
 Jhovata sirvishpa catishun.

(CORO)

*Diospaj punllata
mana shaicushpa shuyashunchij*
(Romanos 8:20-25)

1. Pai Jatun Mandaj cashcata
ñallami Dios ricuchinga.
Chaipajca shuj punllatami
ña agllashpa charicun.

(CORO)

*Diosta tucui shunguhuan sirvishpa
sumaj causai tiyanata
cushilla shuyashunchij.*

2. Jesusca contracunata
tucui chingachingapajmi
allichirishca shuyacun.
Paica mishangatajmi.

(CORO)

3. Quishpirina punllatami
mana shaicushpa shuyanchij.
Jhovapaj jatun punllaca
ñallami chayamunga.

(CORO)

144 *Sumaj causaipi yuyashunchij* (2 Corintios 4:18)

1. Mana ricujca ricungami.
Mana uyajpish uyangami.
Yaya Diosca paipaj poderhuan
tucuitami allichinga.
Huañushca gentecunapishmi
cai Allpapica causaringa.

(CORO)

*Jehová Dios cushilla causaita
canman cunata yuyari.*

2. Ovejapish lobo huanmari
tandalla micushpa causanga.
Shuj uchilla huahuallamari
paicunata michicunga.
Chai punllacunaca manchaipish
huacaipish mana tiyangachu.

(CORO)

145 *Diosca cushilla causaitami cunga* (Apocalipsis 21:4)

1. Cai Allpapi cushilla causai
tiyachunmi Diosca munan.
Huacaicuna, nanaicunapish
mana^ˆashtahuan tiyangachu.

(CORO)

*Yaya Diospaj munaitaca
Rey Jesusmi pajtachinga.
Paraíso tianata
cushicuihuan shuyashunchij.*

2. Samaricuj gentecunapish
ñallamari causaringa.
Jehová nishca shimicunaca
tucuimari pajtaringa.

(CORO)

3. Rey Jesusca jahua pachapi
ñami mandai callarirca.
Cada punlla Jehová Diostaca
pagui nishpa cantashunchij.

(CORO)

146 ‘Tucuitami mushujta ruracuni’ (Apocalipsis 21:1-5)

1. Cai tiempopi tiyaj señaicunami
Jesús Mandaj cashcata ricuchin.
Cielopimi paica ña mandacun.
Ñallami Allpatapish mandanga.

(CORO)

*Jehovapaj carpa huasica
tucui gentecunahuanmi.
Yayitu Diosca: ‘Tucuitamari
mushujta ruracuni’ ninmari.
Chaipica Ilaqui, nanai, huañuipish
ña mana tiyangachu.*

2. Ricuichij chai mushuj Jerusalenta,
sumajta allichirishcamari.
Jesuspaj novia shinamari can.
Diosmi paitaca achijyachicun.

(CORO)

3. Chai sumaj llajtapaj pungucunaca
manataj huichcarishca cangachu.
Diosca allicunapaj ñantaca
paipaj luzhuanmi achijyachinga.

(CORO)

147 *Diosca huiñai causaitami*
cusha nin
(Salmo 37:29)

1. Cai Allpaca ñallamari
paraíso tucunga.
Allita rurajcunaca
chaipimi causanga.

(CORO)

Ñallami cushilla
huiñaita causashun.
Chaitaca Jehovami
pajtachingataj.

2. Jucha illaj cashpamari
cushilla sintirishun.
Tucuicunami tandalla
sumajta causashun.

(CORO)

3. Tucui huañushcacunata
Jehová causachijpica
cushillami paicunahuan
Diosta alabashun.

(CORO)

148 *Ñuca miticunaca Jehová Diosmi*

(2 Samuel 22:1-8)

1. Ñucata quishpichijmi cangui Jehová Dios.

Allpata, cielota

canmi rurashcangui.

Can shina jatun Diosca

ni pi mana tiyanchu.

Tucuita ruraj Dios.

(CORO)

Ñuca jatun rumica Jehová Diosmi.

Callpashpamari paipi miticugrisha.

Jehovatami tucui shunguhuan

alabasha.

Huillashpami paipaj shutita

rijsichisha.

2. Huañuica ñucata ñallami japigrin.

Ñucata salvahuai

Ilaquimanta Jehová.

Amataj saquihuaichu

ayudahuai, uyahuai,

Ilaquij Yaya Jehová.

(CORO)

3. Cielomanta Dios
rimajta uyashpaca
millai gentecuna
mancharingamari.
Paicuna huañujpica
llaquicuna illajmi
cushilla causashun.

(CORO)

149 *Jehová Diosca tucuita mishajmari* (Éxodo 15:1)

1. Jehová Diostaca tucui shunguhuan cantashunchij.

Pai shina Jatun Diosca pi mana tiyanchu.

Faraontaca

Puca cuchapimi shitarca.

Soldadocunandijmi

chaipi huañuchirca.

(CORO)

Tucuita ruraj Mandaj Dioslla

canca manataj cambiashcanguichu.

Ñallami cambaj sumaj shutita

huiñaipaj jatunyachingui.

2. Mandajcunaca Diosta mana cazuncunachu.

Armagedonpimi paicunaca huañunga.

Faraón shina

pingai tucungacunamari.

Chaipimi tucucuna

Jehovata rijsinga.

(CORO)

150 *Diosca ñucanchijta quishpichijmi*

(Sofonías 2:3)

1. Dios agllashca Reyta
Ilaquichisha nishpami
mana^alli mandajcunaca
shujlla yuyai tucushca.
Chai mandajcunaca
ñallami tucuringa.
Contracunataca Jesusmi
tucuita chingachinga.

(CORO)

Jehová Diosta mashcashunchij.

Paimi ñalla quishpichinga.

Paila tucuita

Mandaj cashcata

ricuchishpa catishunchij.

*Jhovami paipaj poderhuan
quishpichisha nin.*

2. Tucui gentecuna

Jehovata mashcachunmi
punllanta mana manchashpa
utca huillana canchij.

Jatun Ilaquicuna
ashtahuan mirajpipish
Diosca paita cazujcunata
tucuipimi cuidanga.

(CORO)

*Jehová Dios
cayajpimi causaringacuna
(Job 14:13-15)*

1. Ñucanchijca p'uyu shinallami
ñapish chingarinchijlla.
C'uyashcacuna samarijpica
achcatami huacanchij.
¿Huañushcacuna shamuj punllapi
cutin causaringachu?

(CORO)

*Huañushca gentecunata
Jehová Dios cayajpica
cutin rijcharishpami
huiñaicama causanga.
Dios nishca shimicunaca
tucuimi pajtaringa.
Paica causachinata
munashpami shuyacun.*

2. Diosca paipaj amigocunata
manataj cungarinchu.
Paicunata c'uyashcamantaca
ñallami causachinga.
Chai punllapica cushillamari
paicunahuan tupashun.

(CORO)

Cai cantocunami tiyan

Ahuantashpa catishunchij 128
Alli huillaicunata huillashunchij 66
Ama manchagapaj ayudahuai 73
¡Amataj manchaichijchu! 55
Ama utca pñarishunchij 114
“Ashtahuan crina yuyaita cuhuai” 118
‘Ayudasha ninimi’ 17
Bibliaca Dios cushca
 valishca regalomi 96
Bibliataca Diosmi quillcachirca 98
Cai Allpata mandaj
 mushuj Reyta alabashunchij 14
Cai huasica cambaj shutitami charin 92
Caimari alli ñan 54
“¡Caipimi cani, ñucata cachahuai!” 75
Caishujmanta chaishujmanta
 animarishunchij 90
Caishujmanta chaishujmanta
 cushilla chasquinacuichij 85
Cambaj huasita
 shayachinaca sumajmi 91
Cambaj llaquicunataca
 Diosman mingai 33
Cambaj Shimita cushcamanta
 pagui Jehová 94
Canmi ñucata ayudaj cangui 3
Can munashca shinami
 causasha nini 127
Cantaca tucui shunguhanmi
 sirvisha 37
Canta c'uyajcunata sinchiyachipai 79
Causaica Dios cushca regalomi 141
Cielopi tiyashcacunaca
 Diostami alaban 6
Crishcacunata sinchiyachishunchij 119

Cunanca shuj aichallami tucunchij 132
Cushicuihuan cozichashunchij 64
Cushicushpa huillashunchij 76
Diosca cushilla causaitami cunga 145
“Diosca c'uyajmari” 105
Diosca huiñai causaitami cusha nin 147
Diosca ñucanchijta quishpichijmi 150
Diosca paita uyashpa
 cazujcunataca bendiciangami 89
Dios churashca Mandanamanta
 cantanaman shamupaichij 74
Dios churashca Mandanamanta
 huillashunchij 69
Dios churashca
 Mandanamantami huillasha 72
Dioshuan purishpa catingui 31
Diosmanmi mingarircanchij 51
Diosman mingarishpami mañani 50
Diospaj ñaupajpi
 alli ricurinatami munani 39
Diospaj lado tucushunchij 32
Diospaj organizacionta
 tucuipi cazushunchij 123
Diospaj punllata mana shaicushpa
 shuyashunchij 143
¡Diospaj punta Churita
 alabashunchigari! 15
Diospaj Shimita huillashunchij 67
Diospaj Shimita yachachishunchij 78
Diospi shunguta
 churashpa shuyashunchij 142
‘Dios rimashca Shimihuanmi
 huiñaita causashun’ 97
Diosta ashtahuan sirvishunchij 84
Diosta cazuj, c'uyaj huarmicuna 137
Diosta c'uyashcamanta
 cazushunchij 124
Diosta pagui ningapajmi mañanchij 43
Diosta sirvicushcamanta
 cushicushunchij 111
Diosta sirvijcunapaj mañai 42

Dios yachachishcacunata
cazushunchij 56
Espíritu santoca
Dios cushca regalomi 104
Fuerza illajcunata ayudashunchij 102
Huahuacunaca
Dios cushca regalomi 134
Huaranga huaranga
Diosta sirviycuna 99
Huasin huasin huillashunchij 83
Huillanamanmi rigrini 53
Huiñai causaitami charishun 140
Huiñaita causangapaj
huillashunchij 60
Ima importante
cashcata agllashunchij 35
Jatun Dios Jehová 12
Jehová agllashca
Reymi ña mandacun 23
Jehová agllashca ungidocuna 25
Jehová alli shungu
cashcata ricuichigari 80
Jehová Dios allimari cangui 1
Jehová Dios canta bendiciachun 136
Jehová Diosca ñuca miticunamari 8
Jehová Diosca
sumaj causaita cujmi 112
Jehová Diosca
tucuicunatami c'uyan 108
Jehová Diosca tucuita mishajmari 149
Jehová Diosca
tucuitami sumajta rurashca 5
Jehová Dios
cayajpimi causaringacuna 151
Jehová Dioslla
ñuca mañashcata uyahuai 41
Jehová Diosmi
c'uyanata yachachin 107
'Jehová Diosmi ñucata michij' 4
Jehová Diosmi
punllanta achijyachicun 95
Jehová Diosmi tandachirca 131

Jehová Diospaj
munaitaraj rurashunchij 21
;Jehová Diospaj
soldadocunami canchij! 71
Jehová Diospaj
urcuman huichiyashunchij 24
Jehová Diosta alabashunchij 10
Jehová Diosta cantashunchij 59
Jehová Dios
yachachichunmi minishtinchij 86
Jhovami cushicuita cun 110
Jhovami fuerzata cushpa cuidanga 38
Jhovami ñucanchij Jatun Mandaj 9
Jhovami ñucata quishpichij 7
Jhovami ñuca Yaya
ñuca amigo ñuca Dios 30
Jhovapaj amigo tucushunchij 28
Jhovapaj shunguta
cushichishunchij 49
Jehová rurashcacunaca
paitami alaban 11
Jehová shina c'uyaj,
llaquij cashunchij 117
Jehová shina perdonashunchij 130
Jehová shutimi cangui 2
Jehová shuyacushcamanta
pagui nishunchij 115
Jesús cai Allpata
mandachunmi mañanchij 22
Jesús huañushcata
yuyarina tandanacui 19
Jesús shina alli shungu,
humildes cashunchij 120
Jesús shina causashunchij 13
Jesusta agllashcamanta
Diosta alabashunchij 16
Joven cashparaj
Diosta sirvishunchij 133
Luz shina achijyachishunchij 82
Llaquicunata ahuantashpa
catishunchij 129
Llaquijcuna, c'uyajcuna cashunchij 116

Mandaj Dios
 cambaj ñanta rijsichihuai 88
 Michijcunaca Dios
 cushca regalomi 103
 Millaita ruranamanta
 jarcarishunchij 121
 Mushuj cantota cantaichij 62
 Muyuta tarpuj shina huillashunchij 68
 Ñami pacaricun 77
 ‘Ñuca causaita canmanmi mingani’ 52
 “Ñuca huahualla,
 yachaisapa cayari” 135
 Ñuca miticunaca Jehová Diosmi 148
 Ñucanchij shunguta cuidashunchij 36
 Ñucanchij tandanacuita
 bendiciahuai 93
 Ñucapajmi rurashcangui 26
 Ñuca shungupi yuyarishcacuna 45
 Pagui cambaj Churita cushcamanta 20
 Pagui Jehová 46
 Paraisopi cashcata yuyai 139
 ¿Pitataj sirvicunchij? 40
 Precursorcunapaj causai 81
 Punllantami Jehová Diosta
 mañasha 47
 Quishpichishcamanta pagui Jehová 18
 Quishpirisha nijcunata
 mashcashunchij 58
 Rijcharishca shina
 chaparashpa causashunchij 126
 Shujtajcunata alli chasquishunchij 100
 Shujtajcunata llaquijcunaca
 cushicungami 125
 Shungumanta
 c'uyaita ricuchishunchij 106
 Shungumanta c'uyanacushunchij 109
 Shungu p'aquirishcami mañacuni 44
 ¡Sinchiyashpa
 ñaupajman catishunchij! 65
 Sumaj causaica
 Diosmantami shamun 113
 Sumaj causaipi yuyashunchij 144
 Tandalla Diosta sirvishunchij 101
 Tandanacuicunapimi
 animota chasquinchij 87
 ¡Testigocuna,
 ñaupajman catishunchij! 61
 Testigo de Jehovacunami canchij 63
 Tucui causaipimi cambaj shutita
 jatunyachishun 29
 Tucui causaipimi canta cazusha 34
 Tucucunaman huillashunchij 57
 Tucui punllacuna
 Dioshuan purishunchij 48
 ‘Tucuitami mushujta ruracuni’ 146
 ¡Tucuri punllacama amataj
 shaicurishunchij! 122
 Ungidocunaca ñallami
 Jesushuan mandanga 27
 Yachasha nijcunata mashcashunchij 70
 Yuyajllacunaca
 valishcacunami can 138

